



小兒藥證眞訣原序

醫之爲藝誠難矣而治小兒爲尤難自六歲以下黃帝不載其說蓋有顛顛經以占壽夭死生之候則小兒之病雖黃帝猶難之其難一也脈法雖曰八至爲和平十至爲有病然小兒脈微難見醫者持脈又多驚啼而不得其審其難二也脈旣難憑必資外證而其骨氣未成形聲未正悲啼喜笑變態不常其難三也問而知之醫之上也而小兒多未能言言亦未足取信其難四也臟腑柔弱易虛易實易寒易熱又所用多犀珠龍麝醫苟難辨何以已疾其難五也種種隱奧其難固多余嘗致思于此又目見庸醫妄施方

藥而救之者十常四五良可哀也蓋小兒治法散在諸書又多出于近世臆說汗漫難據求其要妙豈易得哉太醫丞錢乙字仲陽汝上人其治小兒該括古今又多自得著名于時其法聞易精審如指諸掌先子治平中登第調須城尉識之余方六歲時病驚疳癖痕屢至危殆皆仲陽拯之良愈是時仲陽年尙少不肯輕傳其書余家所傳者纔十餘方耳大觀初余筮仕汝海而仲陽老矣于親舊聞始得說數數十條後六年又得雜方蓋晚年所得益妙比于京師復見別本然旋著旋傳皆雜亂初無紀律互有得失得參校其先後則次之重複則削之訛謬則正之

語則易之上卷脈證治法中卷記嘗所治病下卷諸
方而書以全于是古今治小兒之法不可以加矣余
念博愛者仁者之用心幼幼者聖人之遺訓此惠可
不廣耶將薄之好事者使幼者免橫天之苦老者無
哭子之悲此余之志也因以明仲陽之術于無窮宣
教郎大梁閻季忠序

小兒藥證直訣目錄

卷上○脉證治法

小兒脉法

變蒸

五臟所主

五臟病

肝外生感風

肝熱

肺熱

肺盛復有風冷

肺虛熱

肺臟怯

心熱

心實

腎虛

面上證

目內證

肝病勝肺

肺病勝肝

肝有風

肝有熱

肝有風甚

驚癩發搐

早晨發搐

日午發搐

日晚發搐

夜間發搐

傷風後發搐

傷食後發搐

百日內發搐

急驚

慢驚

五癩

瘡疹候

傷風

傷風手足冷

傷風自利

傷風腹脹

傷風兼臟

傷風下後餘熱

傷寒瘡疹同異

初生三日內吐瀉壯熱

初生三日已上吐瀉身溫涼

初生下吐

傷風吐瀉身溫

傷風吐瀉身熱

傷風吐瀉身涼

風溫等熱相似

腎怯失音相似

黃相似

夏秋吐瀉

吐乳

虛羸

咳嗽

諸疳

胃氣不和

胃冷虛

積痛

蟲痛 虛實腹痛附

蟲與癩相似

氣不和

食不消

腹中有癖

虛實腹脹

腫附

喜汗

盜汗

夜啼

驚啼

弄舌

丹瘤

解顛

太陽虛汗

胃怯汗

胃啼

胎肥

胎怯

胎熱

急欲乳不能食

龜背龜胃

腫病

五臟相勝輕重

雜病證

不治證

卷中

記嘗所治病二十三證

卷下

大青膏

涼驚圓

粉紅圓

又名溫驚圓

瀉青圓

地黃圓

瀉白散

阿膠散

又名補肺散

導赤散

益黃散

瀉黃散

白朮散

塗頤法

浴體法

甘桔湯

安神圓

當歸圓

瀉心湯

生犀散

白餅子

又名玉餅子

利驚圓

括萇湯

五色圓

調中圓

塌氣圓

木香圓

胡黃連圓

蘭香散

白粉散

消積散

安蟲散

紫霜圓

止汗散

香苳圓

花火膏

白玉散

牛黃膏

牛黃圓

玉露散

又名甘露散

百祥圓 一名南陽圓

牛李膏 一名必勝膏

宣風散

麝香圓

大惺惺圓

小惺惺圓

銀砂圓

蛇黃圓

三聖圓

小青圓

小紅圓

小黃圓

鐵粉圓

銀液圓

鎮心圓

金箔圓

辰砂圓

剪刀股圓

麝蟾圓

軟金丹

桃枝圓

蟬花散

鈎藤飲子

抱龍圓

豆卷散

龍腦散

治虛風方

又方

褊銀圓

牛黃膏

五福化毒丹

羌活膏

郁李仁圓

犀角圓

異功散

藿香散

如聖圓

白附子香連圓

豆蔻香連圓

小香連圓

二聖圓

沒石子圓

當歸散

温白圓

豆蔻散

溫中圓

胡黃連麝香圓

大胡黃連圓

榆仁圓

大蘆薈圓

龍骨散

橘連圓

龍粉圓

香銀圓

金華散

安蟲圓

蕪荑散

膽礬圓

眞珠圓

消堅圓

百部圓

紫草散

秦芃散

地骨皮散

人參生犀散

三黃圓

治頤開不合

黃耆散

虎林散

捻頭散

羊肝散

蟬蛻散

烏藥散

二氣散

葶藶圓

麻黃湯

生犀磨汁

大黃圓

史君子圓

青金丹

燒青圓

敗毒散

附方目錄

閻孝忠

治小兒急慢驚

監中圖

治小兒吐瀉

金液丹治小兒吐瀉虛極

驚風或洩瀉等

治小兒急驚方搖

治急慢驚

治小兒實熱疎轉

治小兒驚風痰熱

治小兒瘡疹傷食相似

治小兒瘡疹

治小兒脾胃虛弱

小兒治法

藥方

升麻葛根湯

惺惺散

消毒散

黃蘗膏

胡荽酒

四聖散

又方藍根散

治瘡疹倒撮黑陷

又方

治伏熱在心或誤服熱藥

甘露飲子

白虎湯

調肝散

治瘡疹入眼

治瘡疹入眼成翳

又方

治口瘡

治癰耳

治畜熱

治蟲齧心痛

治脾胃虛寒吐瀉冷痰

治外腎腫硬成疝

鈎藤膏

魏香散

地黃散

治熱痢下血

菖蒲圓

雞頭圓

羚羊角圓

全蝎散

和中散

紫蘇子散

赤石脂散

藥墨散

至寶丹

紫雪

理中圓

五苓散

附子理中圓

金液丹

又方

青州白圓子

小柴胡湯

養血丹

養血丹

養血丹

養血丹

全聖丹

味中煎

解肌圓

許羊魚圓

消熱散

薑黃圓

解香膏

批黃煎

消水膏

批黃膏

消水膏

批黃膏

消水膏

批黃膏

錢氏小兒藥證直訣上

襖赤彙編註

閻韋惠集

脈證治法

小兒脈法

脈亂不治 氣不和弦急 傷食沉緩 虛驚促急

風浮 冷沉細

變蒸

小兒在母腹中乃生骨氣五臟六腑成而未全自生

之後卽長骨脈五臟六腑之神智也變者易也

巢源云上

多變 又生變蒸者自內而長自下而上又身熱故以

生之日後三十二日一變變每畢卽情性有異于前

何者長生腑臟智意故也何謂三十二日長骨添精
神人有三百六十五骨除手足中四十五碎骨外有
三百二十數自生下骨一日十段而上之十日百段
三十二日計三百二十段爲一遍亦曰一蒸骨之餘
氣自腦分入齧中作三十二齒而齒牙有不及三十
二數者由變不足其常也或二十八日卽至長二十
八齒已下倣此但不過三十二之數也凡一周遍乃
發虛熱諸病如是十周則小蒸畢也計三百二十日
生骨氣乃全而未壯也故初三十二日一變生腎生
志六十四日再變生膀胱其發耳與鬪冷腎與膀胱
俱主于水水數一故先變生之九十六日三變生心

喜一百二十八日四變生小腸其發汗出而微驚心
爲火火數二一百六十日五變生肝哭一百九十二
日六變生膽其發目不開而赤肝主木木數三二百
二十四日七變生肺聲二百五十八日八變生大腸
其發膚熱而汗或不汗肺屬金金數四二百八十八
日九變生脾智三百二十日十變生胃其發不食腸
痛而吐乳此後乃齒生能言知喜怒故云始全也太
倉云氣入四肢長碎骨于十變後六十四日長其經
脈手足並受血故能持物足立能行也經云變且蒸
謂蒸畢而足一歲之日也師曰不汗而熱者發其汗
大吐者微下不可餘治是以小兒須變蒸蛻齒者如

花之易苗所謂不及三十二齒由變之不及齒當與
變日相合也年壯而視齒方明

五臟所主

心主驚實則叫哭發熱飲水而搐虛則臥而悸動不
安

肝主風實則目直大叫呵欠項急頓悶虛則咬牙多
欠氣熱則外生氣溫則內生氣

脾主困實則困睡身熱飲水虛則吐瀉生風

肺主喘實則悶亂喘促有飲水者有不飲水者虛則
噎氣長出氣

腎主虛無實也惟瘡疹腎實則變黑陷

更當別虛實證假如肺病又見肝證咬牙多呵欠者
易治肝虛不能勝肺故也若目直大叫哭項急頓悶
者難治蓋肺久病則虛冷肝強實而反勝肺也視病
之新久虛實虛則補母實則瀉子

五臟病

肝病哭叫目直呵欠頓悶項急

心病多叫哭驚悸手足動搖發熱飲水

脾病困睡洩瀉不思飲食

肺病悶亂哽氣長出氣氣短喘急

腎病無精光畏明體骨重

肝外生感風

呵欠頓悶口中氣熱當發散大青膏主之若能食飲
水不止當大黃圓微下之餘不可下

肝熱

手尋衣領及亂捻物瀉青圓主之壯熱飲水喘悶瀉
白散主之

肺熱

手掐眉目鼻面甘桔湯主之

肺盛復有風冷

胸滿短氣氣急喘嗽上氣當先散肺後發散風冷散
肺瀉白散大青膏主之肺只傷寒則不胸滿

肺虛熱

脣深紅色治之散肺虛熱少服瀉白散

肺臟怯

脣白色當補肺阿膠散主之若悶亂氣麓喘促哽氣者難治肺虛損故也

脾肺病久則虛而脣白脾者肺之母也母子皆虛不能相營故名曰怯肺主脣白白而澤者吉白如枯骨者死

心熱

視其睡口中氣溫或合面睡及上竄咬牙皆心熱也導赤散主之

心氣熱則心胸亦熱欲言不能而有就冷之意故合

面臥

心實

心氣實則氣上下行澀合臥則氣不得通故喜仰臥則氣得上下通也瀉心湯主之

腎虛

兒本虛怯由胎氣不成則神不足目中白睛多其顛卽解顛開也面色晄白此皆難養縱長不過八八之數若恣色慾多不及四旬而亡或有因病而致腎虛者非也腎氣不足則下竄蓋骨重惟欲墜於下而縮身也腎水陰也腎虛則畏明皆宜補腎地黃圓主之

面上證

左顛爲肝

右顛爲肺

額上爲心

鼻爲脾

額爲腎

赤者熱也隨證治之

目內證

赤者心熱導赤散主之

淡紅者心虛熱生犀散主之

青者肝熱瀉青圓主之淺淡者補之

黃者脾熱瀉黃散主之

無精光者腎虛地黃圓主之

肝病勝肺

肝病秋見

一作日晡

肝強勝肺肺怯不能勝肝當補脾肺

治肝益脾者母令子實故也補脾益黃散治肝瀉青

圓主之

肺病勝肝

肺病春見

一作早辰

肺勝肝當補腎肝治肺臟肝怯者受

病也補肝腎地黃圓治肺瀉白散主之

肝有風

目連劄不搐得心熱則搐治肝瀉青圓治心導赤散

主之

肝有熱

目直視不搐得心熱則搐治肝瀉青圓治心導赤散

主之

肝有風甚

身反折強直不搐心不受熱也當補腎治肝補腎地黃圓治肝瀉青圓主之

凡病或新或久皆引肝風風動而止于頭目目屬肝風入于目上下左右如風吹不輕不重兒不能任故目連劄也若熱入于目牽其筋脈兩眦俱緊不能轉視故目直也若得心熱則搐以其子母俱有實熱風火相搏故也治肝瀉青圓治心導赤散主之

驚癇發搐

男發搐目左視無聲右視有聲女發搐目右視無聲左視有聲相勝故也更有發時證

早辰發搐

因潮熱寅卯辰時身體壯熱上視手足動搖口內生熱涎項頸急此肝旺當補腎治肝也補腎地黃圓治肝瀉青圓主之

日午發搐

因潮熱巳午未時發搐心神驚悸目上視白睛赤色牙關緊口內涎手足動搖此心旺也當補肝治心治心導赤散涼驚圓補肝地黃圓主之

日晚發搐

因潮熱申酉戌時不甚搐而喘目微斜視身體似熱睡露睛手足冷大便淡黃水是肺旺當補脾治心肝補脾益黃散治肝瀉青圓治心導赤散主之

夜間發搐

因潮熱亥子丑時不甚搐而臥不穩身體溫壯目睛
緊斜視喉中有痰大便銀褐色乳食不消多睡不納
津液當補脾治心補脾益黃散治心導赤散涼驚圓
主之

傷風後發搐

傷風後得之口中氣出熱呵欠頓悶手足動搖當發
散大青膏主之小兒生本怯者多此病也

傷食後發搐

傷食後得之身體溫多睡多睡或吐不思飲食而發
搐當先定搐搐退白餅子下之後服安神圓

百日內發搐

眞者不過三兩次必死假者發頻不爲重眞者內生驚癇假者外傷風冷蓋血氣未實不能勝任乃發搐也欲知假者口中氣出熱也治之可發散大青膏主之及用塗顙浴體法

急驚

因聞大聲或大驚而發搐發過則如故此無陰也當下利驚圓主之

小兒急驚者本因熱生于心身熱面赤引飲口中氣熱大小便黃赤劇則搐也蓋熱甚則風生風屬肝此陽盛陰虛也故利驚圓主之以除其痰熱不可與巴

豆及溫藥大下之恐搐虛熱不消也小兒客痰熱于心胃因聞聲非常則動而驚搐矣若熱極雖不因聞聲及驚亦自發搐

慢驚

因病後或吐瀉脾胃虛損徧身冷口鼻氣出亦冷手足時痲痺昏睡睡露睛此無陽也括萋湯主之

凡急慢驚陰陽異證切宜辨而治之急驚合涼瀉慢驚合溫補世間俗方多不分別誤小兒甚多又小兒傷于風冷病吐瀉醫謂脾虛以溫補之不已復以涼藥治之又不能已謂之本傷風醫亂攻之因脾氣卽虛內不能散外不能解至十餘日其證多睡露睛身

溫風在脾胃故大便不聚而爲瀉當去脾間風風退則利止宣風散主之後用史君子圓補其胃亦有諸吐利久不差者脾虛生風而成慢驚

五癇

凡治五癇皆隨臟治之每臟各有一獸並五色圓治小病也

犬癇反折上竄犬叫肝也

羊癇目瞪吐舌羊叫心也

牛癇目直視腹滿牛叫脾也

雞癇驚跳反折手縱雞叫肺也

豬癇如尸吐沫豬叫腎也

五癩重者死病後甚者亦死

瘡疹候

面燥腮赤目疱亦赤呵欠頓悶乍涼乍熱咳嗽嚏噴
手足稍冷夜臥驚悸多睡並瘡疹證此天行之病也
惟用溫涼藥治之不可妄下及妄攻發受風冷五臟
各有一證

肝臟水疱

肺臟膿疱

心臟斑

脾臟疹

歸腎變黑

惟斑疹病後或發癩餘瘡難發癩矣木勝脾木歸心
故也若涼驚用涼驚圓溫驚用粉紅圓

小兒在胎十月食五臟血穢生下則其毒當出故瘡

疹之狀皆五臟之液肝主淚肺主涕心主血脾爲裹
血其瘡出有五金肝爲水疱以淚出如水其色青小
肺爲膿疱以涕稠濁色白而大心爲斑主心血色赤
而小次于水疱脾爲疹小次斑瘡其主裏血故色赤
黃淺也涕淚出多故膿疱水疱皆大血營于內所出
不多故斑疹皆小也病疱者淚涕俱少譬胞中容水
水去則瘦故也

始發潮熱三日以上熱運入皮膚卽發瘡疹而不甚
多者熱留膚腠之間故也潮熱隨臟出如早食潮熱
不已爲水疱之類也

瘡疹始出之時五臟證見惟腎無候但見平證耳尻

涼耳涼是也尻耳俱屬于腎其居北方主冷也若瘡
黑陷而耳尻反熱者爲逆也若用百祥圓牛李膏各
三服不愈者死病也

凡瘡疹若出辨視輕重若一發便出盡者必重也瘡
夾疹者半輕半重也出稀者輕裏外肥紅者輕外黑
裏赤者微重也外白裏黑者大重也瘡端裏黑點如
針孔者勢劇也青乾紫陷昏睡汗出不止煩燥熱渴
腹脹啼喘大小便不通者困也凡瘡疹當乳母慎口
不可令飢及受風冷必歸腎而變黑難治也

有大熱者當利小便有小熱者宜解毒若黑紫乾陷
者百祥圓下之不黑者慎勿下更看時月輕重大抵

瘡疹屬陽出則爲順故春夏病爲順秋冬病爲逆冬
月腎旺又盛寒病多歸腎變黑又當辨春膿疱夏黑
陷秋斑子冬疹子亦不順也雖重病猶十活四五黑
者無問何時十難救一其候或寒戰噤牙或身黃腫
紫宜急以百祥圓下之復惡寒不已身冷出汗耳尻
反熱者死病也何以然腎氣大旺脾虛不能治故也
下後身熱氣溫欲飲水者可治以脾生勝腎寒去而
溫熱也治之宜解毒不可妄下妄下則內虛多歸于
腎若能食而痲頭焦起或未焦而喘實者可下之身
熱煩渴腹滿而喘大小便澁面赤悶亂大吐此當利
小便不差者宣風散下之若五七日痲不焦是內發

熱氣蒸于皮中故瘡不得焦痂也宜宣風散導之用
生犀磨汁解之使熱不生必著痂矣

瘡疹由內相勝也惟斑疹能作搐疹爲脾所生脾虛
而肝旺乘之木來勝土熱氣相擊動于心神心喜爲
熱神氣不安因搐成癇斑子爲心所生心生熱熱則
生風風屬于肝二臟相搏風火相爭故發搐也治之
當瀉心肝補其母括萸湯主之

瘡黑而忽瀉便膿血并痂皮者順水穀不消者逆何
以然且瘡黑屬腎脾氣本強或舊服補脾藥脾氣得
實腎雖用事脾可制之今瘡入腹爲膿血及連痂皮
得出是脾強腎退卽病出而安也米穀及瀉乳不化

者是脾虛不能制腎故自洩也此必難治

傷風

昏睡口中氣熱呵欠頓悶當發散與大青膏解不散
有下證當下大黃圓主之大飲水不止而善食者可
微下餘不可下也

傷風手足冷

脾臟怯也當和脾後發散和脾益黃散發散大青膏
主之

傷風自利

脾臟虛怯也當補脾益黃散發散大青膏主之未差
調中圓主之有下證大黃圓下之後服溫驚圓

傷風腹脹

脾臟虛也當補脾必不喘後發散仍補脾也去脹塌
氣圓主之發散大青膏主之

傷風兼臟

兼心則驚悸

兼肺則悶亂喘急哽氣長出氣嗽

兼腎則畏明

各隨補母臟虛見故也

傷風下後餘熱

以藥下之太過胃中虛熱飲水無力也當生胃中津
液多服白朮散

傷寒瘡疹同異

傷寒男體重面黃女面赤喘急憎寒各口中氣熱呵欠頓悶頂急也瘡疹則腮赤燥多噴嚏悸動昏倦四肢冷傷寒當發散之治瘡行溫平有大熱者解毒餘見前說

初生三日內吐瀉壯熱

不思乳食大便乳食不消或白色是傷食當下之後和胃下用白餅子和胃用益黃散主之

初生三日已上至十日吐瀉身溫涼

不思乳食大便青白色乳食不消此上實下虛也更
有兼見證
肺睡露睛喘氣
心驚悸飲水

脾困倦饒睡

肝呵欠頓悶

腎不語畏明

當瀉見兒兼臟補脾益黃散主之此二證多病于秋夏也

生下吐

初生下拭掠兒口中穢惡不盡嚥入喉中故吐木苾圓主之凡初生急須拭掠口中令淨若啼聲一發則嚥下多生諸病

傷風吐瀉身溫

乍涼乍熱睡多氣麤大便黃白色嘔吐乳食不消時咳嗽更有五臟兼見證當煎入臟君臣化大青膏後服益黃散如先曾下或無下證慎不可下也此乃脾

肺受寒不能入脾也

傷風吐瀉身熱

多睡能食乳飲水不止吐痰大便黃水此爲胃虛熱
渴吐瀉也當生胃中津液以止其渴止後用發散藥
止渴多服白朮散發散大青膏主之

傷風吐瀉身涼

吐沫瀉青白色悶亂不渴哽氣長出氣睡露睛此傷
風荏苒輕怯因成吐瀉當補脾後發散補脾益黃散
發散大青膏主之此二證多病于春冬也

風溫潮熱壯熱相似

潮熱者時間發熱過時卽退來日依時發熱此欲發

驚也壯熱者一向熱而不已甚則發驚癇也風熱者身熱而口中氣熱有風證溫壯者但溫而不熱也

腎怯失音相似

病吐瀉及大病後雖有聲而不能言又能嚥藥此非失音爲腎怯不能上接于陽故也當補腎地黃圓主之失音乃瘁病耳

黃相似

身皮目皆黃者黃病也身痛髀背強大小便澀一身盡黃面目指爪皆黃小便如屋塵色看物皆黃渴者難治此黃疸也二證多病于大病後別有一證不因病後身微黃者胃熱也大人亦同又有面黃腹大食

土渴者脾疸也又有自生而身黃者胎疸也古書云諸疸皆熱色深黃者是也若淡黃兼白者胃怯胃不和也

夏秋吐瀉

五月二十五日已後吐瀉身壯熱此熱也小兒臟腑十分中九分熱也或因傷熱乳食吐乳不消瀉深黃色玉露散主之

六月十五日已後吐瀉身溫似熱臟腑六分熱四分冷也吐嘔乳食不消瀉黃白色似渴或食乳或不食乳食前少服益黃散食後多服玉露散

七月七日已後吐瀉身溫涼三分熱七分冷也不能

食乳多似睡悶亂哽氣長出氣睡露睛唇白多噦欲大便不渴食前多服益黃散食後少服玉露散八月十五日已後吐瀉身冷無陽也不能食乳乾噦瀉青褐水補脾益黃散主之不可下也

吐乳

吐乳瀉黃傷熱乳也吐乳瀉青傷冷乳也皆當下

虛羸

脾胃不和不能食乳致肌瘦亦因大病或吐瀉後脾胃尚弱不能傳化穀氣也有冷者時時下利唇口青白有熱者溫壯身熱肌肉微黃此冷熱虛羸也冷者木香圓主之夏月不可服如有證則少服之熱者胡

黃連圓主之冬月不可服如有證則少服之

咳嗽

夫嗽者肺感微寒八九月間肺氣大旺病嗽者其病必實非久病也其證面赤痰盛身熱法當以葶藶圓下之若久者不可下也十一月十二月嗽者乃傷風嗽也風從背脊第三椎肺俞穴入也當以麻黃湯汗之有熱證面赤飲水涎熱咽喉不利者宜兼甘桔湯治之若五七日間其證身熱痰盛唾黏者以漏銀圓下之有肺盛者咳而後喘面腫欲飲水有不飲水者其身卽熱以瀉白散瀉之若傷風咳嗽五七日無熱證而但嗽者亦葶藶圓主之後用化痰藥有肺虛者

咳而哽氣時時長出氣喉中有聲此久病也以阿膠散補之痰盛者先實脾後以禰銀圓微下之涎退卽補肺補肺如上法有嗽而吐水或青綠水者以百祥圓下之有嗽而吐痰涎乳食者以白餅子下之有嗽而咯膿血者乃肺熱食後服甘桔湯久嗽者肺亡津液阿膠散補之咳而痰實不甚喘而面赤時飲水者可禰銀圓下之治嗽大法盛卽下之久卽補之更量虛實以意增損

諸疳

疳在內目腫腹脹利色無常或沫青白漸瘦弱此冷證也

疔在外鼻下赤爛自操鼻頭上有瘡不著痂漸遠耳
生瘡治鼻瘡爛蘭香散諸瘡白粉散主之

肝疔白膜遮睛當補肝地黃圓主之

心疔面黃頰赤身壯熱當補心安神圓主之

脾疔體黃腹大食泥土當補脾益黃散主之

腎疔極瘦身有瘡疥當補腎地黃圓主之

筋疔瀉血而瘦當補肝地黃圓主之

肺疔氣喘口鼻生瘡當補脾肺益黃散主之

骨疔喜臥冷地當補腎地黃圓主之

諸疔皆依本臟補其母及與治疔藥冷則木香圓熱

則胡黃連圓主之

疳皆脾胃病亡津液之所作也因大病或吐瀉後以藥吐下致脾胃虛弱亡津液且小兒病疳皆愚醫之所壞假如潮熱是一臟虛一臟實而內發虛熱也法當補母而瀉本臟則愈假令日中發潮熱是心虛熱也肝爲心母則宜先補肝肝實而後瀉心心得母氣則內平而潮熱愈也醫見潮熱妄謂其實乃以大黃牙硝輩諸冷藥利之利既多矣不能禁約而津液內亡卽成疳也又有病癖其疾發作寒熱飲水脅下有形硬痛治癖之法當漸消磨醫反以巴豆硃砂輩下之小兒易虛易實下之既過胃中津液耗損漸令疳

瘦

又有病傷寒五六日間有下證以冷藥下之太過致脾胃津液少即使引飲不止而生熱也熱氣內耗肌肉外消他邪相干證變諸端因亦成疳

又有吐瀉久病或醫妄下之其虛益甚津液燥損亦能成疳

又有肥疳卽脾疳也身瘦黃皮乾而有瘡疥其候不一種種異端今略舉綱紀目澀或生白膜唇赤身黃乾或黑喜臥冷地或食泥土身有瘡疥瀉青白黃沫水利色變易腹滿身耳鼻皆有瘡髮鬢作穗頭大項細極瘦飲水皆其證也

大抵疳病當辨冷熱肥瘦其初病者爲肥熱疳久病

者爲瘦冷疳冷者木香圓熱者黃連圓主之冷熱之疳尤宜如聖圓故小兒之臟腑柔弱不可痛擊大下必亡津液而成疳凡有可下量其大小虛實而下之則不至爲疳也初病津液少者當生胃中津液白朮散主之唯多則妙餘見下

胃氣不和

面眇白無精光口中氣冷不思食吐水當補脾益黃散主之

胃冷虛

面眇白色弱腹痛不思食當補脾益黃散主之若下利者調中圓主之

積痛

口中氣溫面黃白目無精光或白睛多及多睡畏食
或大便酸臭者當磨積宜消積圓甚者當白餅子下
之後和胃

蟲痛

虛實腹痛附

面眊白心腹痛口中沫及清水出發痛有時安蟲散
主之小兒本怯者多此病

積痛食痛虛痛大同小異惟蟲痛者當口淡而沫自
出治之隨其證

蟲與癩相似

小兒本怯故胃虛冷則蟲動而心痛與癩略相似但

目不斜手不搐也安蟲散主之

氣不和

口頻撮當調氣益黃散主之

食不消

脾胃冷故不能消化當補脾益黃散主之

腹中有癖

不食但飲乳是也當漸用白餅子下之

小兒病癖由乳食不消伏在腹中乍涼乍熱飲水或

喘嗽與潮熱相類不早治必成疳以其有癖則令兒

不食致脾胃虛而發熱故引飲水過多卽蕩滌腸胃

亡失津液脾胃不能傳化水穀其脈沈細益不食脾

胃虛衰四肢不舉諸邪遂生鮮不瘦而成疝矣餘見疝門

虛實腹脹 腫附

腹脹由脾胃虛氣攻作也實者悶亂滿喘可下之用紫霜圓白餅子不喘者虛也不可下若誤下則脾虛氣上附肺而行肺與脾子母皆虛肺主目胞腮之類脾主四肢母氣虛甚卽目胞腮腫也色黃者屬脾也治之用塌氣圓漸消之未愈漸加圓數不可以丁香木香橘皮荳蔻大溫散藥治之何以然脾虛氣未出腹脹而不喘可以散藥治之使上下分消其氣則愈也若虛氣已出附肺而行卽脾胃內弱每生虛氣入

于四肢面目矣小兒易爲虛實脾虛不受寒溫服寒則生冷服溫則生熱當識此勿誤也胃久虛熱多生疸病或引飲不止脾虛不能勝腎隨肺之氣上行于四肢若水狀腎氣浸浮于肺卽大喘也此當服塌氣圓病愈後面未紅者虛衰未復故也

治腹脹者譬如行兵戰寇于林寇未出林以兵攻之必可獲寇若出林不可急攻攻必有失當以意漸收之卽順也

治虛腹脹先服塌氣圓不愈腹中有食積結糞小便黃時微喘脈伏而實時飲水能食者可下之蓋脾初虛而後結有積所治宜先補脾後下之下後又補脾

卽愈也補肺恐生虛喘

喜汗

厚衣臥而額汗出也止汗散主之

盜汗

睡而自汗出肌肉虛也止汗散主之遍身汗香瓜圓主之

夜啼

脾臟冷而痛也當與溫中藥及以法禳之花火膏主之

驚啼

邪熱乘心也當安心安神圓主之

弄舌

脾臟微熱令舌絡微緊時時舒舌治之勿用冷藥及下之當少與瀉黃散漸服之亦或飲水醫疑爲熱必冷藥下之者非也飲水者脾胃虛津液少也又加面黃肌瘦五心煩熱卽爲疳瘦宜胡黃連圓輩大病未已用藥弄舌者凶

丹瘤

熱毒氣客於腠理搏於血氣發於外皮上赤如丹當以白玉散塗之

解顛

生下而顛不合腎氣不成也長必少笑更有目白睛

多眊白色瘦者多愁少喜也餘見腎虛

太陽虛汗

上至頭下至項不過胸也不須治之

胃怯汗

上至項下至臍此胃虛當補胃益黃散主之

胃啼

小兒筋骨血脈未成多哭者至小所有也

胎肥

生下肌肉厚遍身血色紅滿月以後漸漸肌瘦目白
睛粉紅色五心熱大便難時時生涎浴體法主之

胎怯

生下面色無精光肌肉薄大便白水身無血色時時
哽氣多噉目無精彩當浴體法主之

胎熱

生下血氣時叫哭身壯熱如淡茶色目赤小便赤
黃糞稠急食乳浴法主之更別父母肥瘦肥不可生
瘦瘦不可生肥也

急欲乳不能食

因客風熱入兒臍流入心脾經即舌厚唇燥口不能
乘乳當涼心脾

龜背龜胸

肺熱脹滿攻于胸膈即成龜胸又乳母多食五辛亦

成也

兒生下客風入脊逐于骨髓卽成龜背治之以龜尿
點節骨取尿之法當蓮葉安龜在上後用鏡照之自
尿出以物盛之

腫病

腎熱傳於膀胱膀胱熱盛逆於脾胃脾胃虛而不能
制腎水反剋土脾隨水行脾主四肢故流走而身面
皆腫也若大喘者重也何以然腎大勝而剋退脾土
上勝心火心又勝肺肺爲心剋故喘或問曰心刑肺
肺本見虛今何喘實曰此有二一者肺大喘此五臟
逆二者腎水氣上行傍浸於肺故令大喘此皆難治

五臟相勝輕重

肝臟病見秋木旺肝強勝肺也宜補肺瀉肝輕者肝病退重者脣白而死

肺病見春金旺肺勝肝當瀉肺輕者肺病退重者目淡青必發驚更有赤者當搐爲肝怯當日淡青色也心病見冬火旺心強勝腎當補腎治心輕者病退重者下竄不語腎虛怯也

腎病見夏水勝火腎勝心也當治腎輕者病退重者悸動當搐也

脾病見四旁皆倣此治之順者易治逆者難治脾怯當面目赤黃五臟相反隨證治之

雜病證

目赤兼青者欲發搐

目直而青身反折強直者生驚

咬牙甚者發驚

口中吐沫水者後必蟲痛

昏睡善噎悸者將發瘡疹

吐瀉昏睡露睛者胃虛熱

吐瀉昏睡不露睛者胃實熱

吐瀉乳不化傷食也下之

吐沫及痰或白綠水皆胃虛冷

吐稠涎及血皆肺熱久則虛

瀉黃紅赤黑皆熱赤亦毒

瀉青白穀不化胃冷

身熱不飲水者熱在外身熱飲水者熱在內

口噤不止則失音遲聲亦同

長大不行行則腳細齒久不生生則不固

髮久不生生則不黑血虛怯爲冷所乘則脣青

尿深黃色久則尿血

小便不通久則脹滿當利小便

洗浴拭臍不乾風入作瘡令兒撮口甚者是脾虛

吐涎痰熱者下之吐涎痰冷者溫之

先發膿疱後發斑子者逆

先發膿疱後發疹子者順

先發水疱後發疹子者逆

先發膿疱後發水疱多者順少者逆

先水疱後斑疹子多者逆少者順

先疹子後斑疹子者順

凡瘡疹只出一般者善

胎實面紅目黑睛多者多喜笑

胎怯面黃目黑睛少白睛多者多哭

凡病先虛或下之合下者先實其母然後下之假令

肺虛而痰實此可下先當益脾後方瀉肺也

大喜後食乳食多成驚癇

大哭後食乳食多成吐瀉

心痛吐水者蟲痛

心痛不吐水者冷心痛

吐水不心痛者胃冷

病重面有五色不常不澤者死

呵欠面赤者風熱

呵欠面青者驚風

呵欠面黃者脾虛驚

呵欠多睡者內熱

呵欠氣熱者傷風

熱證踈利或解化後無虛證勿溫補熱必隨生

不治證

目赤脈貫瞳人眼胸腫及陷

鼻乾黑魚口氣急

吐蟲不定

瀉不定精神好

大渴不定止之又渴

吹鼻不噴 病重口乾不睡 時氣唇上青黑點
頰深赤如塗臙脂 鼻開張 喘急不定

不食

...

...

...

...

...

...

...

錢氏小兒藥證直訣上篇

錢氏小兒藥證直訣中

保赤彙編十一

李寺丞子三歲病搐自卯至巳數醫不治後召錢氏
視之搐目右視大叫哭李曰何以搐右錢曰逆也
李曰何以逆曰男爲陽而本發左女爲陰而本發
右若男目左視發搐時無聲右視有聲女發時右
視無聲左視有聲所以然者左肝右肺肝木肺金
男目右視肺勝肝也金來刑木二臟相戰故有聲
也治之瀉其強而補其弱心實者亦當瀉之肺虛
不可瀉肺虛之候悶亂哽氣長出氣此病男反女
故男易治於女也假令女發搐目左視肺之勝肝
又病在秋卽肺兼旺位肝不能任故哭叫當大瀉

其肺然後治心續肝所以俱言目反直視乃肝主
目也凡搖者風熱相搏于內風屬肝故引見之於
目也錢用瀉肺湯瀉之二日不悶亂當知肺病退
後下地黃圓補腎三服後用瀉青圓涼驚圓各二
服凡用瀉心肝藥五日方愈不妄治也又言肺虛
不大瀉者何也曰設令男目右視木反剋金肝旺
勝肺而但瀉肝若更病在春夏金氣極虛故當補
其肺慎勿瀉也

廣親宅七太尉方七歲潮熱數日欲愈錢謂其父二
大王曰七使潮熱將安八使預防驚搐王怒曰但
使七使愈勿言八使病錢曰八使過來日午間卽

無苦也次日午前八使果作急搐召錢治之三日而愈蓋預見目直視而顙赤必肝心俱熱更坐石杙子乃欲冷此熱甚也肌膚素肥盛脉又急促故必驚搐所言語時者白寅至午皆心肝所用事時治之瀉心肝補腎自安矣

李司戶孫病生百日發搐三五次請眾醫治作天鈞或作胎驚癇皆無應者後錢用大青膏如小豆許作一服發之復與塗頤法封之及浴法三日而愈何以然嬰兒初生肌骨嫩怯被風傷之子不能任故發搐頻發者輕也何者客風在內每遇不任卽搐搐稀者是內藏發病不可救也搐頻者宜散風

小兒藥譜直論中
二
冷故用大青膏不可多服蓋兒至小易虛易實多
卽生熱止一服而已更當封浴無不效者

東都王氏子吐瀉諸醫藥下之至虛變慢慢驚其候睡
露睛手足痠癢而身冷錢曰此慢驚也與菹蕪湯
其子胃氣實卽開目而身溫王疑其子不大小便
令諸醫以藥利之醫留八正散等數服不利而身
復冷令錢氏利小便錢曰不當利小便利之必身
冷王曰己身冷矣因抱出錢曰不能食而胃中虛
若利大小便卽死久卽脾胃俱虛當身冷而閉目
幸胎氣實而難衰也錢用益黃散史君子圓四服
令微飲食至日午果能飲食所以然者謂利大小

便脾胃虛寒當補脾不可別攻也後又不語諸醫作失音治之錢曰旣失音開目而能飲食又牙不緊而口不緊也諸醫不能曉錢以地黃圓補腎所以然者用清藥利小便致脾腎俱虛今脾已實腎虛故補腎必安治之半月而能言一月而痊也

東都藥鋪杜氏有子五歲自十一月病嗽至三月未止始得嗽而吐痰乃外風寒搐入肺經今肺病嗽而吐痰風在肺中故也宜以麻黃輩發散後用涼藥壓之卽愈時醫以鐵粉圓半夏圓漏銀圓諸法下之其肺卽虛而嗽甚至春三月間尙未愈召錢氏視之其候面青而光嗽而喘促哽氣又時長出

氣錢曰痰困拾以捌玖所以然者面青而光肝氣旺也春三月者肝之位也肺衰之時也嗽者肺之病肺之病蓋自十一月至三月久卽虛痿又曾下之脾肺子母也復爲肝所勝此爲逆也故嗽而喘促哽氣長出氣也錢急與瀉青圓瀉後與阿膠散實肺次日面青而不光錢又補肺而嗽如前錢又瀉肝瀉肝未已又加肺虛唇白如練錢曰此病必死不可治也何者肝大旺而肺虛熱肺病不得其時而肝勝之今三瀉肝而肺病不退三補肺而肺證猶虛此不久生故言死也此證病於秋者十救三四春夏者十難救一果大喘而死

京東轉運使李公有孫八歲病嗽而胸滿短氣醫者
言肺經有熱用竹葉湯牛黃膏各貳服治之三日
加喘錢曰此肺氣不足復有寒邪卽使喘滿當補
肺脾勿服涼藥李曰醫已用竹葉湯牛黃膏錢曰
何治也醫曰退熱退涎錢曰何熱所作曰肺經熱
而生嗽嗽久不除生涎錢曰本虛而風寒所作何
熱也若作肺熱何不治其肺而反調心蓋竹葉湯
牛黃膏治心藥也醫有慙色錢治愈

東都張氏孫九歲病肺熱他醫以犀珠龍麝生牛黃
治之一月不愈其證嗽喘悶亂飲水不止全不能
食錢氏用史君子圓益黃散張曰本有熱何以又

行溫藥他醫用涼藥攻之一月尙無效錢曰涼藥久則寒不能食小兒虛不能食當補脾候飲食如故卽瀉肺經病必愈矣服補脾藥二日其子欲飲食錢以瀉白散瀉其肺遂愈十分張曰何以不虛錢曰先實其脾然後瀉肺故不虛也

睦親宮十太尉病瘡疹眾醫治之王曰疹未出屬何臟腑一醫言胃大熱一醫言傷寒不退一醫言在母腹中有毒錢氏曰若言胃熱何以乍涼乍熱若言母腹中有毒發屬何臟也醫曰在脾胃錢曰旣在脾胃何以驚悸醫無對錢曰夫胎在腹中月至六七則已成形食母穢液入兒五臟食至十月滿

胃脘中至生之時口有不潔產母以手拭淨則無
疾病俗以黃連汁壓之云下臍糞及涎穢也此亦
母之不潔餘氣入兒臟中本先因微寒入而成瘡
疹未出五臟皆見病症內壹臟受穢多者乃出瘡
疹初欲病時先呼欠頓悶驚悸乍涼乍熱手足冷
痺面顫燥赤咳嗽時嚏此五臟證具也呵欠頓悶
肝也時發驚悸心也乍涼乍熱手足冷脾也面目
顫頰赤嗽嚏肺也惟腎無候以在腑下不能食穢
故也凡瘡疹乃五臟毒若出歸一證則肝水疱肺
膿疱心斑脾疹惟腎不食毒穢而無諸證瘡黑者
屬腎由不慎風冷而不飽內虛也又用抱龍圓數

服愈其別無他候故未發出則見五臟證已出則歸一臟也

四大王宮五太尉因墜鞦韆發驚搐醫以發熱藥治之不愈錢氏曰本急驚後生大熱當先退其熱以大黃圓玉露散惺惺圓加以牛黃龍麝解之不愈至三日肌膚尚熱錢曰更二日不愈必發斑瘡蓋熱不能出也他醫初用藥發散發散入表表熱卽斑生本初驚時當用利驚藥下之今發散乃逆也後二日果斑出以必勝膏治之七日愈

睦親宅一大王病瘡疹始用一李醫又召錢氏錢留抱龍圓三服李以藥下之其疹稠密錢見大驚曰

若非轉下則爲逆病王言李以用藥下之錢曰瘡
疹始出未有他證不可下也但當用平和藥頻與
乳食不受風冷可也如瘡疹三日不出或出不快
卽微發之微發不出卽加藥不出卽大發之如大
發後不多及脉平無證者卽瘡本稀不可更發也
有大熱者當利小便小熱者當解毒若出快勿發
勿下故止用抱龍圓治之瘡痂若起能食者大黃
圓下一二行卽止今先下一日瘡疹未能出盡而
稠密甚則難治此悞也縱得安其病有三一者疥
二者癰三者目赤李不能治經三日黑陷復召錢
氏曰幸不發寒而病未困也遂用百祥圓治之以

牛李膏爲助若黑者歸腎也腎王勝脾土不尅水
故脾虛寒戰則難治所用百祥圓者以瀉膀胱之
腑腑若不實臟自不盛也何以不瀉腎曰腎主虛
不受瀉若二服不效卽加寒而死

皇都徐氏子三歲病潮熱每日西則發搐身微熱而
曰微邪反露睛四肢冷而喘大便微黃錢與李醫
同治錢問李曰病何搐也李曰有風何身熱微溫
曰四肢所作何目斜露睛曰搐則目斜何肢冷曰
冷厥必內熱曰何喘曰搐之甚也曰何以治之曰
嚏驚圓鼻中灌之必搐止錢又問曰旣謂風病溫
壯搐引目斜露睛內熱肢冷及搐甚而喘併以何

藥治之李曰皆此藥也錢曰不然搐者肝實也故
令搐日西身微熱者肺潮用事肺主身溫且熱者
爲肺虛所以日微斜露睛者肝肺相勝也肢冷者
脾虛也肺若虛甚用益黃散阿膠散得脾虛證退
後以瀉青圓導赤散涼驚圓治之後九日平愈

朱監簿子五歲夜發熱曉卽如故眾醫有作傷寒者
未有作熱治者以涼藥解之不愈其候多涎而喜睡

他醫以鐵粉圓下涎其病益甚至五日大引飲錢
氏曰不可下之乃取白朮散末煎一兩汁三升使
任其意取足服朱生曰飲多不作瀉否錢曰無生
水下能作瀉縱瀉不足怪也但不可下耳朱生曰

先治何病錢曰止瀉治痰退熱清袖裏皆此藥也
至晚服盡錢看之曰更可服三升又煎白朮散三
升服盡得稍愈第三日又服白朮散三升其子不
渴無涎又投阿膠散二服而愈

朱監簿子三歲忽發熱醫曰此心熱頤赤而唇紅煩
燥引飲遂用牛黃圓三服以一物瀉心湯下之來
日不愈反加無力而能食又便利黃沫錢曰心經
虛而有留熱在內必被涼藥下之致此虛勞之病
也錢先用白朮散生胃中津後以生犀散治之朱
曰大便黃沫如何曰胃氣正卽瀉自止此虛熱也
朱曰醫用瀉心湯何如錢曰瀉心湯者黃連性寒

多服則利能寒脾胃也坐久眾醫至曰實熱錢曰
虛熱若寒熱何以瀉心湯下之不安而又加面黃
頰赤五心煩燥不食而引飲醫曰既虛熱何大便
黃沫錢笑曰便黃沫者服瀉心湯多故也錢後與
胡黃連圓治愈

張氏三子病歲大者汗徧身次者上至頂下至胸小
者但額有汗眾醫以麥煎散治之不效錢曰大者
與香瓜圓次者與益黃散小者與石膏湯各五日
而愈

廣親宅四大王宮五太尉病吐瀉不止水穀不化眾
醫用補藥言用薑汁調服之六月中服溫藥一日

而加喘吐不定錢曰當用涼藥治之所以然者謂傷熱在內也用石膏湯三服併服之眾醫皆言吐瀉多而米穀不化當補脾何以用涼藥王信眾醫又用丁香散三服錢後至曰不可服此三日外必腹滿身熱飲水吐逆三日外一如所言所以然者謂六月熱甚伏入腹中而令引飲熱傷脾胃卽大吐瀉他醫又行溫藥卽上焦亦熱故喘而引飲三日當死眾醫不能治復召錢至宮中見有熱證以白虎湯三服更以白餅子下之一日減藥二分二日三日又與白虎湯各二服四日用石膏湯一服旋合麥門冬黃芩腦子牛黃天竺黃茯苓以朱砂

爲衣與五圓竹葉湯化下熱退而安

馮承務子五歲吐瀉壯熱不思食錢曰目中黑睛少而白睛多面色眊白神怯也黑睛少腎虛也黑睛屬水本性而虛故多病也縱長成必肌膚不壯不耐寒暑易虛易實脾胃亦怯更不可縱酒慾若不保養不過壯年面上常無精神光澤者如婦人之失血也今吐利不食壯熱者傷食也不可下下之虛入肺則嗽入心則驚入脾則瀉入腎則益虛此但以消積圓磨之爲微有食也如傷食甚則可下不下則成癖也實食在內乃可下之下畢補脾必愈隨其虛實無不效者

廣親宮七太尉七歲吐瀉是時七月其證全不食而
昏睡睡覺而悶亂哽氣乾噦大便或有或無不渴
眾醫作驚治之疑睡故也錢曰先補脾後退熱與
史君子圓補脾退熱石膏湯次日又以水銀硫黃
二物下之生薑水調下一字錢曰凡吐瀉五月內
九分下而一分補八月內十分補而無一分下此
者是脾虛瀉醫妄治之至於虛損下之卽死當卽
補脾若以史君子圓卽緩錢又留溫胃益脾藥止
之醫者李生曰何食而哕錢曰脾虛而不能食津
少卽哕逆曰何瀉青褐水曰腸胃至虛冷極故也

錢治而愈

黃承務子二歲病瀉眾醫止之十餘日其證便青白乳物不消身涼加哽氣昏睡醫謂病困篤錢氏先以益脾散三服補肺散三服三日身溫而不哽氣後以白餅子微下之與益脾散二服利止何以然利本脾虛傷食初不與大下措置十日上實下虛脾氣弱引肺亦虛補脾肺病退卽溫不哽氣是也有所傷食仍下之也何不先下後補曰便青爲下臟冷先下必大虛先實脾肺下之則不虛而後更補之也

睦親宮中十大王瘡疹云瘡疹始終出未有他證不可下但當用平和藥頻與乳食不受風冷可也如

瘡疹三日不出或出不快卽微發之如瘡發後不多出卽加藥加藥不出卽大發之如發後不多及脉平無證卽瘡本稀不可更發也有大熱者當利小便小熱者當解毒若不快勿發勿下攻止用抱龍圓治之瘡疹若起能食者大黃圓下一二行卽止有大熱者當利小便有小熱者宜解毒若黑紫乾陷者百祥圓下之不黑者甚勿下身熱煩燥腹滿而喘大小便瀉面赤悶亂大吐此當利小便不瘥者宣風散下之也若五七日痂不焦是內發熱氣蒸於皮中故瘡不得焦痂也宜宣風散導之用生犀角磨汁解之使熱不生必著痂矣

辛氏女子五歲病蟲痛諸醫以巴豆乾漆礪砂之屬治之不效至五日外多哭而俛仰睡卧不安自按心腹時大叫面無正色或青或黃或白或黑目無光而慢脣白吐沫至六日胸高而卧轉不安召錢至錢詳視之用蕪荑散三服見目不除青色大驚曰此病大困若更加瀉則爲逆矣至次日辛見錢曰夜來三更果瀉錢于瀉盆中看如藥汁以杖攪之見有丸藥錢曰此子肌厚當氣實今證反虛不可治也辛曰何以然錢曰脾虛胃冷則蟲動而今反目青此肝乘脾又更加瀉知其氣極虛也而丸藥隨糞下卽脾胃已脫兼形病不相應故知死病

後五日昏篤七日而死

段齋郎子四歲病嗽身熱吐痰數日而咯血前醫以
桔梗湯及防己圓治之不愈涎上攻吐喘不止請
錢氏下瀰銀圓一大服復以補肺湯補肺散治之
或問段氏子咯血肺虛何以下之錢曰肺雖咯血
有熱故也久則虛痿今涎上潮而吐當下其涎若
不吐涎則不甚便蓋吐涎能虛又生驚也痰實上
攻亦能發搐故依法只宜先下痰而後補脾肺必
涎止而吐愈爲順治也若先補其肺爲逆耳此所
謂識病之輕重先後爲治也

鄭人齊郎中者家好收藥散施其子忽臟熱齊自取

青金膏三服并一服餌之服畢至三更瀉五行其子困睡齊言子睡多驚又與青金膏一服又瀉三行加口乾身熱齊言尚有微熱未盡又與青金膏其妻曰用藥十餘行未安莫生他病否召錢氏至曰已成虛羸先用前白朮散時時服之後服香薷圓十三日愈

曹宣德子三歲面黃時發寒熱不欲食而飲水及乳眾醫以爲潮熱用牛黃圓麝香圓不愈及以止渴乾葛散服之反吐錢曰當下白餅子後補脾乃以消積圓磨之此乃癖也後果愈何以故不食但飲水者食伏於管內不能消致令發寒服止渴藥吐

者以藥衝故也下之即愈

錢氏小兒藥證直訣中

錢氏小兒藥證直訣下

保赤彙編十二

大青膏 治小兒熱盛生風欲為驚搐血氣未實不

能勝邪故發搐也大小便依度口中氣熱當發之

天麻 末壹錢 白附子 末生壹錢伍分

青黛 研壹錢 蝎尾 去毒生末

烏稍蛇肉 酒浸焙乾取末各壹錢

硃砂 研 天竺黃 研

右同再研細生蜜和成膏每服半阜子大至一阜
子大月中兒粳米大同牛黃膏溫薄荷水化一處
服之五歲已上同甘露散服之

涼驚圓 治驚疳

草龍膽

防風

青黛

各叁錢

鈎藤

貳錢

黃連

伍錢

牛黃

麝香

龍腦

各壹字

麩糊圓粟米大每服叁伍圓金銀花湯下

粉紅圓

又名溫驚圓

天南星

臘月釀牛膽中百日陰乾取末肆兩別研如釀者只剉炒熟用

硃砂

壹錢伍分

天竺黃

壹兩

龍腦

半字別研

坯子胭脂

壹錢研乃染胭脂

右用牛膽汁和圓雞頭大每服一圓小者半圓沙

糖溫水化下

瀉青圓方

治肝熱搐搦脈洪實

當歸

去蘆頭切焙稱

龍腦

焙稱

川芎

山梔子仁

川六黃

溼紙裏煨

羌活

防風

去蘆頭切焙稱

右件等分爲末鍊蜜和圓雞頭大每服半圓至壹圓煎竹葉湯同沙糖溫水化下

地黃圓 治腎怯失音頤開不合神不足目中白睛

多面色眊白等方

熟地黃

山萸肉

乾山藥

各肆錢

澤瀉

牡丹皮

白茯苓

去皮各叁錢

右爲末煉蜜圓如梧子大空心溫水化下叁圓

瀉白散

又名瀉肺散

治小兒肺盛氣急喘嗽

地骨皮

桑白皮

炒各壹兩

甘草

炙壹錢

右劉散入粳米壹撮水貳小盞煎七分食前服

阿膠散 又名補肺散 治小兒肺虛氣粗喘促

阿膠 壹兩伍錢 麩炒 黍粘子 炒香 甘草 炙各貳錢 伍分

馬兜鈴 伍錢焙 杏仁 柒箇去皮 尖炒 糯米 壹兩炒

右為末每服壹貳錢水壹盞煎至六分食後溫服

導赤散 治小兒心熱視其睡口中氣溫或合面睡

及上竄咬牙皆心熱也心氣熱則心胸亦熱欲言

不能而有就冷之意故合面睡

生地黃 甘草 生 木通 各等分

右同為末每服叁錢水壹盞入竹葉同煎至五分

食後溫服一本不用甘草用黃芩

益黃散 又名補脾散

治脾胃虛弱及治脾疳腹大

身瘦

陳皮

去白壹兩

丁香

貳錢一方用木香

訶子

炮去核

青皮

去白

甘草

炙各伍錢

右為末三歲兒壹錢半水半盞煎三分食前服

瀉黃散

又名瀉脾散

治脾熱弄舌

藿香葉

柒錢

山梔子仁

壹錢

石膏

伍錢

甘草

叁兩

防風

四兩去蘆切焙

右剉同蜜酒微炒香為細末每服壹錢至貳錢水

壹盞煎至五分溫服清汁無時

白朮散

治脾胃久虛嘔吐泄瀉頻作不止精液苦

竭煩渴躁但欲飲水乳食不進羸瘦困劣因而失

治變成驚癇不論陰陽虛實並宜服

人參

貳錢伍分

白茯苓

伍錢

白朮

伍錢炒

藿香葉

伍錢

木香

貳錢

甘草

壹錢

葛根

伍錢渴者加至壹兩

右咬咀每服叁錢水煎熱甚發渴去木香

塗頤法

麝香

壹字

蝎尾

去毒為末半錢一作半字

薄荷葉

半字

蜈蚣末

牛黃末

青黛末

各壹字

右同研用熟棗肉劑為膏新綿上塗勻貼頤上四方可出一指許火上炙手頻熨百日內外小兒可

用此

浴體法 治胎肥胎熱胎怯

天麻末

貳錢

全蝎

去毒為末

硃砂

各伍錢

烏蛇肉

酒浸焙乾

白礬

各貳錢

麝香

壹錢

青黛

叁錢

右同研勻每用叁錢水叁碗桃枝壹握葉伍柒枝

同煎至十沸溫熱浴之勿浴背

柑桔湯

治小兒肺熱手搯眉目鼻面

桔梗

貳兩

甘草

壹兩

右為麤末每服貳錢水壹盞煎至柒分去滓食後

溫服加荆芥防風名如聖湯熱甚加羌活黃芩升

麻

安神圓 治面黃頰赤身壯熱補心 一治心虛肝

熱神思恍惚

馬牙硝 伍錢

白茯苓 伍錢

麥門冬 伍錢

乾山藥 伍錢

龍齒 壹字

寒水石 伍錢

硃砂 壹兩

甘草 伍錢

右末之煉蜜爲圓雞頭大每服半圓沙糖水化下

無時

當歸湯 治小兒夜啼者臟寒而腹痛也面青手冷

不吮乳者是也

當歸

白芍藥

人參 各壹分

甘草 炙半分 桔梗 陳皮 不去白各壹分

右爲細末水煎半錢時時少與服又有熱痛亦啼
叫不止夜發面赤唇焦小便黃赤與三黃圓人參

湯下

瀉心湯 治小兒心氣實則氣上下行澀合臥則氣

不得通故喜仰臥則氣上下通

黃連 壹兩 去鬚

右爲末每服伍分臨臥取溫水化下

生犀散 治目淡紅心虛熱

生犀 貳錢 剉末 地骨皮 自採佳 赤芍藥

柴胡根 乾葛 剉各壹兩 甘草 炙伍錢

右爲麤末每服壹貳錢水壹盞煎至柒分溫服食後

白餅子 又名玉餅子 治壯熱

滑石末 壹錢 輕粉 伍錢 半夏末 壹錢

南星末 壹錢 巴豆 念肆箇去皮膜用水壹升煮乾研細

右三味搗羅爲末入巴豆粉次入輕粉又研勻却入餘者藥末如法令勻糯米粉圓如棗豆大量小兒虛實用藥三歲以下每服三圓至五圓空心紫蘇湯下忌熱物若三五歲兒壯實者不以此加至貳圓以利爲度

利驚圓 治小兒急驚風

青黛

輕粉

各壹錢

牽牛末

伍錢

天竺黃

貳錢

右爲末白麪糊圓如小豆大貳拾圓薄荷湯下

法煉蜜圓如芡實大壹粒化下

括萋湯

治慢驚

括萋根

貳錢

白甘遂

壹錢

右用慢火炒焦黃色研勻每服壹字煎麝香薄荷

湯調下無時凡藥性雖冷炒焦用之乃溫也

五色圓

治五癩

硃砂

伍錢研

水銀

壹兩

雄黃

壹兩

鉛

叁兩同水銀

眞珠末

壹兩研

右煉蜜圓如麻子大每服叁肆圓金銀薄荷湯下
調中圓

人參 去蘆

白朮

乾薑

炮各叁兩

甘草

炙減半

右爲細末圓如棗豆大每服半圓至貳叁拾圓食
前溫水送下

塌氣圓

治虛脹如腹大者加蘿蔔子名褐圓子

胡椒

壹兩

蝎尾

去毒伍錢

右爲細末麩圓粟米大每服伍柒圓至壹貳拾圓
陳米飲下無時一方有木香壹錢

木香圓

治小兒疳瘦腹大

木香

青黛

另研

檳榔

荳蔻

去皮各壹分

麝香

另研壹錢五分

續隨子

去皮壹兩

蝦蟇

叁箇燒存性

右爲細末蜜圓菜豆大每服叁五圓至壹貳拾圓
薄荷湯下食前

胡黃連圓

治肥熱疳

川黃連

伍錢

胡黃連

伍錢

硃砂

壹錢另研

右以上貳物爲細末入硃砂末都填入猪膽內用
淡漿水煮以杖于銚子上用線釣之勿着底候一
炊久取出研入蘆薈麝香各壹分飯和圓如麻子
大每服伍柒圓至貳叁拾圓米飲下食後

蘭香散

治疳氣鼻下赤爛

蘭香葉

菜名燒灰
貳錢

銅青

伍分

輕粉

貳字

右為細末令勻看瘡大小乾貼之

白粉散

治諸疔瘡

海螵蛸

叁分

白芨

叁分

輕粉

壹分

右為末先用漿水洗拭乾貼

消積圓

治大便酸臭

丁香

玖箇

縮砂仁

貳拾箇

烏梅肉

叁箇

巴豆

貳箇去皮油心膜

右為細末麪糊圓黍米大叁歲已上叁五圓已下

叁貳圓溫水下無時

安蟲散

治小兒蟲痛

胡粉 炒黃

檳榔

川練子 去皮核

鶴虱 炒各貳兩

日磬 鐵器熬壹分

乾漆 炒烟盡貳分

雄黃 壹分

巴豆霜 壹分

右為細末每服壹字大者半錢溫米飲調下痛時服

紫霜圓 治消積聚

代赭石 煅醋淬七次

赤石脂 各壹錢

杏仁 伍拾粒去皮尖

巴豆 叁拾粒去皮膜心出油

右先將杏仁巴霜入乳鉢內細研如膏却入代赭石脂末研勻以湯浸蒸餅為圓如粟米大壹歲服伍圓米飲湯下壹貳百日內兒叁圓乳汁下更宜

量其虛實加減微利為度此藥兼治驚痰諸症雖下不致虛人

止汗散 治六陽虛汗上至頂不過胃也不須治之

喜汗厚衣臥而額汗出也止汗散止之

右用故蒲扇灰如無扇只將故蒲燒灰研細每服

壹貳錢溫酒調下無時

香瓜圓 治徧身汗出

大黃瓜

黃色者壹箇去穰

川大黃

溼紙裹煨至紙焦

胡黃連

柴胡

去蘆

鼈甲

醋炙黃

蘆薈

青皮

黃柏

右除黃瓜外同為細末將黃瓜割去頭填人諸藥

置滿却蓋口用杖子插定漫火內煨熟麩糊圓如菘豆大每服叁貳圓食後冷漿水或新水下大者

伍柒圓至拾圓

花火膏 治夜啼

燈花 壹棵

右塗乳上令兒吮之

白玉散 治熱毒氣客於腠理搏於血氣發於外皮

上赤如丹是方用之

白土 貳錢伍分 又云滑石 寒水石 伍錢

右為末用米醋或新水調塗

牛黃膏 治驚熱

雄黃

小棗大用獨莖蘿蔔根水并醋共大盞煮盡

甘草末

甜硝

各叁錢

硃砂

半錢匕

龍腦

壹字匕

寒水石

研細伍錢匕

右同研勻蜜和為劑食後薄荷湯温化下半阜子

大

牛黃圓

治小兒疳積

雄黃

研水飛

天竺黃

各貳錢

牽牛

末壹錢

右同再研麩糊為圓粟米大每服叁圓至伍圓食後薄荷湯下兼治疳消積常服尤佳大者加圓數

玉露散

又名甘露散

治傷熱吐瀉黃瘦

寒水石

軟而微青黑中有細紋者是

石膏

堅白而牆壁手不可折者是好各半兩

甘草 生壹錢

右同爲細末每服壹字或半錢壹錢食後溫湯調

下

百祥圓 一名南陽圓

治瘡疹倒壓黑陷

用紅芽大戟不以多少蔭乾漿水軟法骨日中曝乾復內汁中煮汁盡焙乾爲末水圓如粟米大每服壹貳拾圓研赤脂麻湯下吐利同無時

牛李膏 一名必勝膏

治同前方

牛李子

右杵汁石器內熬膏每服阜子大煎杏膠湯化下

宣風散 治小兒慢驚

檳榔

兩箇

陳皮

甘草

各半兩

牽牛

肆兩半生半熟

右為細末叁貳歲兒蜜湯調下伍分已上壹錢食

前服

麝香圓

治小兒慢驚疳等病

草龍膽

胡黃連

各半兩

木香

蟬殼

去劍為末
乾秤

蘆薈

去砂秤

熊膽

青黛

各壹錢

輕粉

腦麝

牛黃

各壹錢並
別研

瓜蒂

貳拾壹箇為末

右猪膽圓如桐子及菘豆大驚疳臟腑或秘或瀉

清米飲或溫水下小圓伍柒粒至壹貳拾粒疳眼

猪肝湯下疳渴燻猪湯下亦得猪肉湯下亦得驚
風發搖眼上薄荷湯化下壹圓更水研壹圓滴鼻
中牙疳瘡口瘡研貼蟲痛苦練子或白蕪荑湯送
下百日內小兒大小便不通水研封臍中蟲候加
乾漆好麝香各少許并入生油壹兩點溫水化下
大凡病急則研碎緩則浸化小兒虛極慢驚者勿
服尤治急驚痰熱

大惺惺圓 治驚疳百病及諸壞病不可具述

辰砂

研

青礞石

金牙石

各壹錢半

雄黃

壹錢

蟾灰

貳錢

牛黃

龍腦

各壹字
別研

麝香

半錢別研

蛇黃

叁錢醋滓伍次

右研勻細水煮蒸餅爲圓硃砂爲衣如菘豆大百
日兒每服壹圓壹歲兒貳圓薄荷溫湯化下食後
小惺惺圓 解毒治急驚風癇潮熱及疾虛煩藥毒

上攻躁渴

臘月取東行母猪糞

燒灰存性

辰砂

水研飛

腦麝

各貳錢

牛黃

壹錢各別研

蛇黃

西山者燒赤醋淬叁次水研飛乾用半兩

右以東流水作麪糊圓桐子大硃砂爲衣每服貳
叁歲兩圓鑰匙研破溫水化下小兒纔生便宜服
壹圓除胎中百疾食後

銀砂圓

治涎盛膈熱實痰嗽驚風積潮熱

水銀結砂子叁

辰砂研貳錢

蝎尾去毒為末

鵬砂

粉霜各研

輕粉

郁李仁去皮焙

白牽牛

鐵粉

好臘茶各叁錢

右同為細末熬梨汁為膏圓如棗豆大龍腦水化

下壹圓至叁圓亦名梨汁餅子及治大人風涎並

食後

蛇黃圓 治驚癇因震駭恐怖叫號恍惚是也

蛇黃真者叁箇火鬱金柒分壹處麝香壹字

右為末飯圓桐子大每服壹貳圓煎金銀磨刀水

化下

三聖圓 化痰涎寬膈消乳癖化驚風食癩諸疳小兒壹歲以內常服極妙

○小青圓

青黛 壹錢

牽牛 末叁錢

膩粉 壹錢

並研勻麩糊圓黍米大

○小紅圓

天南星 末壹兩

硃砂 半兩研

巴豆 壹錢取霜

並研勻薑汁麩糊圓黍米大

○小黃圓

半夏 生末壹分

巴豆 霜壹字匕

黃蘗 末壹字匕

並研勻薑汁麩糊圓黍米大 已上百日者各壹

圓壹歲者各貳圓隨乳下

鐵粉圓 治涎盛潮搐吐逆

水銀砂子 貳分

硃砂

鐵粉 各壹分

輕粉 貳分

天南星

炮製去皮臍取末壹分

右同研水銀星盡為度薑汁麩糊圓粟米大煎生薑湯下拾圓至拾伍圓貳叁拾圓無時

銀液圓 治驚熱膈實嘔吐上盛涎熱

水銀 半兩

天南星 貳錢炮

白附子 壹錢炮

右為末用石腦油為膏每服壹阜子大薄荷湯下

鎮心圓 治小兒驚癇心熱

硃砂

龍齒

牛黃 各壹錢

鐵粉

琥珀

人參

茯苓

防風

各貳錢

全蝎

朱箇焙

右末煉蜜圓如桐子大每服壹圓薄荷湯下

金箔圓

治急驚涎盛

金箔

貳拾片

天南星

剉炒

白附子

炮

防風

去蘆鬚焙

半夏

湯浸七次切焙乾秤各半兩

雄黃

辰砂

各壹分

生犀末

半分

牛黃

腦麝

各半分已上六物研

右爲細末薑汁麪糊圓麻子大每服叁伍圓至壹

貳拾圓人參湯下如治慢驚去龍腦服無時

辰砂圓

治驚風涎盛潮作及胃熱吐逆不止

辰砂

別研

水銀砂子

各壹分

天麻

牛黃 伍分

腦麝 別研伍分

生犀末

白僵蠶 酒炒

蟬殼 去足

乾蝎 去毒炒

麻黃 去節

天南星 湯浸柒次焙切乾秤各壹分

右同為末再研勻熟蜜圓如棗豆大硃砂為衣每

服壹貳圓或伍柒圓食後服之薄荷湯送下

剪刀股圓 治一切驚風久經宣利虛而生驚者

硃砂

天竺黃 各研

白僵蠶 去頭足炒

蝎 去毒炒

乾蟾 去四足并腸洗炙焦黃為末

蟬殼 去劍

五靈脂 去黃者為末各壹分

牛黃

龍腦 并研各壹字

麝香 研伍分

蛇黃 伍錢燒赤醋淬叁伍次放水研飛

右藥末共貳兩肆錢東流水煮白麩糊圓桐子大

每服壹圓剪刀環頭研食後薄荷湯化下如治慢驚卽去龍腦

麝蟾圓 治驚涎潮搐

大乾蟾

秤貳錢灰各另研

鐵粉

叁錢

硃砂

青礞石末

雄黃末

蛇黃

燒取末各貳錢匕

龍腦

壹字匕

麝香

壹錢匕

右件研勻水浸蒸餅爲圓如桐子大硃砂爲衣薄荷水下半圓至壹圓無時

軟金丹 治驚熱痰盛壅嗽膈實

天竺黃

輕粉

各貳兩

青黛

壹錢

黑牽牛

取頭末

半夏

用生薑叁錢搗成麴焙乾再爲細末各叁分

右同研勻熟蜜劑爲膏薄荷水化下半早子大至壹早子大量兒度多少用之食後

桃枝圓 疎取積熱及結胸又名桃符

巴豆霜

川大黃

黃蘗

末各壹錢壹字

輕粉

礪砂

各伍分

右爲細末麩糊圓粟米煎桃枝湯下壹晬兒伍柒圓伍柒歲貳叁拾圓桃符湯下亦得未晬兒叁貳圓臨臥

蟬花散 治驚風夜啼咬牙咳嗽及療咽喉壅痛

蟬花

和殼

白殭蠶

直者酒炒熟

甘草

炙各壹錢

延胡索

半分

右爲末壹歲壹字四五歲半錢蟬殼湯下食後

鈎藤引子 治吐利脾胃虛風慢驚

鈎藤 叁分 蟬殼 防風 去蘆頭切

人參 去蘆頭切 麻黃 去節稱 白僵蠶 炒黃

天麻 蝎尾 去毒炒各半兩 甘草 炙

川藟 各壹分 麝香 壹分別研入

右同爲細末每服貳錢水壹盞煎至陸分溫服量多少與之寒多加附子末半錢無時

抱龍圓 治傷風瘟疫身熱昏睡氣粗風熱痰實壅

嗽驚風潮搐及蠱毒中暑沐浴後並可服壯實小

兒宜時兩服之

天竺黃 壹兩

雄黃 水飛壹錢

辰砂

麝香

各別研半兩

天南星

肆兩臘月釀牛膽中陰乾百日如無只將生者去皮臍剉炒乾用

右為細末煮甘草水和圓阜子大溫水化下服之
百日小兒每圓分作叁肆服五歲壹貳圓大人叁
伍圓亦治室女白帶伏暑用鹽少許嚼壹貳圓新
水送下臘月中雪水煮甘草和藥尤佳一法用漿
水或新水浸天南星三日候透軟煮叁伍沸取出
乘軟切去皮只取白軟者薄切焙乾炒黃色取末
搗兩以甘草貳兩半拍破用水貳碗浸壹宿慢火
煮至半碗去滓旋旋灑入天南星末慢研之令甘
草水盡入餘藥

豆卷散 治小兒慢驚多用性太溫及熱藥治之有驚未退而別生熱症有病愈而致熱症者有反爲急驚者甚多當問病者幾日因何得之曾以何藥療之可解毒之藥無不效宜此方

大豆黃卷 水浸黑豆生芽是也曬乾 板藍根

貫眾 甘草 炙各壹兩

右四物同爲細末每服半錢至壹錢水煎去滓服甚者叁錢漿水內入油數點煎又治吐蟲服無時

龍腦散 治急慢驚風

大黃 蒸 半夏 湯洗薄切用薑汁浸一宿焙乾炒 甘草

金星石 禹餘糧 不灰木

青蛤粉

銀星石

寒水石

右各等分同爲細末研入龍腦壹字再研勻新水調壹字至伍分量兒大小與之通解諸毒本舊方也仲陽添入甘松叁兩枝藿香葉末壹錢金芽石壹分減大黃一半治藥毒吐血神妙

虛風方 治小兒吐瀉或誤服冷藥脾虛生風因成慢驚

大天南星

壹箇重捌玖錢 上者良

右用地坑子一箇深叁寸許用炭火伍觔燒通赤入好酒半盞在內然後入天南星卻用炭火叁兩條蓋卻坑子候南星微裂取出刺碎再炒勻熟不

可稍生候冷爲細末每服伍分或壹字量兒大小
濃煎生薑防風湯食前調下無時

虛風又方

半夏

壹錢湯洗柒次薑汁浸半日曬乾

梓州厚朴

壹兩細剉

石件米泔叁升同浸壹百刻水盡爲度如百刻水
未盡加火熬乾去厚朴只將半夏研爲細末每服
半字壹字薄荷湯調下無時

褊銀圓

治風涎膈實上熱及乳食不消腹脹喘粗

巴豆

去皮油心膜研細水銀 各半兩

黑鉛

貳錢半水硯結砂子

麝香

伍分另研

好墨

捌錢研

右將巴豆末并墨再研勻和入砂子麝香陳米粥

和圓如菉豆大捏褊壹歲壹圓貳叁歲貳叁圓伍
歲以上伍陸圓煎薄荷湯放冷送下不得化破更
量虛實增減並食後

又牛黃膏 治熱及傷風疳熱

雄黃研 甘草末 川甜硝各壹分

寒水石生飛研 壹兩 腦子壹錢 菉豆粉半兩

右研勻鍊蜜和成膏薄荷水化下半早大食後

五福化毒丹 治瘡疹餘毒上攻口齒躁煩亦咽乾

口舌生瘡及治蘊熱積毒熱驚惕狂躁

生熟地黃焙秤 各伍兩 元參 天門冬去心

麥門冬去心焙秤 各叁兩 甘草炙 甜硝各貳兩

青黛 壹兩半

右上八味為細末後研入硝黛鍊蜜圓如雞豆大
每服半圓或壹圓食後水化下

羌活膏 治脾胃虛肝氣熱盛生風或取轉過或吐

瀉後為慢驚亦治傷寒

羌活 去蘆頭

川芎

人參 去蘆頭

赤茯苓 去皮

白附子 炮各半兩

天麻 壹兩

白殭蠶 酒浸炒黃

乾蝎 去毒炒

白花蛇 酒浸取肉焙乾各壹分

川附子 炮去皮臍

防風 去蘆頭切焙

麻黃 去節秤各叁錢

荳蔻肉

雞舌香 即母丁香

藿香葉

木香 各貳錢

輕粉 壹錢

珍珠

麝香

牛黃

各壹錢

龍腦

半字

雄黃

辰砂

各壹分已上十味各別研入

右同為細末熟蜜和劑旋圓大豆大每服壹貳圓
食前薄荷湯或麥冬湯溫化下實熱驚急勿服性
溫故也服無時

郁李仁圓 治襁褓小兒大小便不通驚熱痰實欲
得澹動者

郁李仁

去皮

川大黃

去粗皮取實者剉酒浸半日控乾炒為末各壹兩

滑石

半兩研細

右先將郁李仁研成膏和大黃滑石圓如黍米大
量大小與之以乳汁或薄荷湯下食前

犀角圓 治風熱痰實面赤大小便秘澀三焦邪熱

腑臟蘊毒疎導極穩方

生犀角末 壹分 人參 去蘆頭切 枳實 去瓢炙

檳榔 半兩 黃連 壹兩

大黃 貳兩酒浸切片以巴豆去皮壹百箇貼在大黃上紙裏飯上蒸三次切炒令黃焦去巴豆不用

右為細末鍊蜜和圓如麻子大每服壹貳拾圓臨

臥熟水下未動加圓亦治大人孕婦不損

異功散 溫中和氣治吐瀉不思乳食凡小兒虛冷

病先與數服以助其氣

人參 切去頂 茯苓 去皮 白朮

陳皮 剉 甘草 各等分

右爲細末每服貳錢水壹盞生薑伍片棗兩箇同煎至柒分食前溫服量多少與之

藿香散 治脾胃虛有熱面赤嘔吐涎嗽及轉過度

者

麥門冬

去心焙

半夏麩

甘草

炙各半兩

藿香葉

壹兩

右爲末每服伍分至壹錢水壹盞半煎柒分食前

溫服

如聖圓

治冷熱痞瀉

胡黃連

白蕪荑

去扇炒

川黃連

各貳兩

史君子

壹兩去殼秤

麝香

別研伍分

乾蝦蟇

伍枚剉酒熬膏

右爲末用膏圓如麻子大每服人參湯下貳叁歲者伍柒圓以上者拾圓至拾伍圓無時

白附子香連圓 治腸胃氣虛暴傷乳哺冷熱相雜

瀉痢赤白裏急後重腹痛搦撮晝夜頻併乳食減少

黃連

木香

各壹分

白附子

大貳箇

右爲末粟米飯圓菘豆大或黍米大每服拾圓至貳叁拾圓食前清米飲下日夜各肆伍服

豆蔻香連圓 治泄瀉不拘寒熱赤白陰陽不調腹

痛腸鳴切痛可用如聖

黃連

炒叁分

肉豆蔻

楠木香

各壹分

右爲細末粟米飯圓米粒大每服米飲湯下拾圓
至貳叁拾圓日夜各肆伍服食前

小香連圓 治冷熱腹痛水穀利滑腸方

木香

訶子肉

各壹分

黃連

半兩炒

右爲細末飯和圓菜豆大米飲下拾圓至叁伍拾
圓頻服之食前

二聖圓 治小兒臟腑或好或瀉久不愈羸瘦成疳

川黃連

去鬚

黃蘗

去粗皮各壹兩

右爲細末將藥末入猪膽內湯煮熟圓如菜豆大
每服貳叁拾圓米飲下量兒大小加減頻服無時

沒石子圓 治泄瀉白濁及疳痢滑腸腹痛者方

木香

黃連 各壹分

沒石子 壹箇

荳蔻仁

訶子肉 叁箇

右爲細末飯和圓麻子大米飲下量兒大小加減

食前

當歸散

治變蒸有寒無熱

當歸 貳錢

木香

官桂

甘草 炙

人參 各壹錢

右咬咀每服貳錢水柒分盞薑叁片棗壹枚去核

同煎服

溫白圓

治小兒脾氣虛困泄瀉瘦弱冷疳洞利及

因吐瀉或久病後成慢驚身冷瘈瘲

天麻 生半兩

白僵蠶 炮

白附子 生

乾蝎 去毒

天南星 剉湯浸柒次焙各壹分

右同為末湯浸寒食麪和圓如菘豆大圓了仍與寒食麪內養柒日取出每服伍柒圓至叁貳拾圓空心煎生薑米飲漸加圓數多與服

荳蔻散 治吐瀉煩渴腹脹小便少

荳蔻

丁香 各半分

舶上硫黃 壹分

桂府白滑石 叁分

右為細末每服壹字至半錢米飲下無時

温中圓 治小兒胃寒瀉白腹痛腸鳴吐酸水不思

食及霍亂吐瀉

人參

切去頂焙

甘草

剉焙

白朮

各壹兩為末

右薑汁麩和圓菘豆大米飲下壹貳拾圓無時

胡黃連麝香圓

治疳氣羸瘦白蟲作方

胡黃連

白蕪荑

去扇各壹兩

木香

黃連

各半分

辰砂

另研壹分

麝香

剉研壹錢

右為細末麩糊圓菘豆大米飲下伍柒圓至拾圓

叁伍歲已上者可拾伍圓貳拾圓無時

大胡黃圓

治一切驚疳腹脹蟲動好喫泥土生米

不思飲食多睡嘔唾臟腑或秘或瀉肌膚黃瘦毛

焦髮黃飲水五心煩熱能殺蟲消進飲食治瘡癬

常服不瀉痢方

胡黃連

黃連

苦棟子

各壹兩

白蕪荑

去扇半兩
秋初叁分

蘆薈

另研

乾蟾頭

燒存性另
研各壹分

麝香

壹錢另研

青黛

壹兩半
另研

右先將前四味為細末猪膽汁和為劑每壹胡桃
大入巴豆仁用油單一重裹之蒸熟去巴豆用米
壹升許蒸米熟為度入後四味為圓如難圓少入
麪糊圓麻子大每服拾圓拾伍圓清米飲下食後
臨臥日進叁兩服

榆仁圓

治疳熱瘦悴有蟲久服充肥

榆仁

去皮

黃連

去頭各壹兩

右為細末用猪膽柒箇破開取汁與貳藥同和入

碗內甑上蒸九日每日壹次候日數足研麝香伍分湯浸一宿蒸餅同和成劑圓如菘豆大每服伍柒圓至壹貳拾圓米飲下無時

大蘆薈圓

治疳殺蟲和胃止瀉

蘆薈

研

木香

青橘皮

胡黃連

黃連

白蕪荑

去扇秤

雷丸

鶴虱

微炒各半兩

麝香

貳錢另研

右為細末粟米飲圓菘豆大米飲下貳拾圓無時

龍骨散

治疳口瘡走馬疳

砒霜

蟾酥

各壹字

粉霜

伍分

龍骨

壹錢

定粉

壹錢伍分

龍腦

半字

右先研砒粉極細次入龍骨再研次入定粉等同研每用少許傳之

橘連圓 治疳瘦久服消食和氣長肌肉

陳橘皮

壹兩

黃連

壹兩伍錢去鬚米泔浸壹日

右爲細末研入麝香伍分用猪膽柒箇分藥入在膽內漿水煮候臨熟以針微割破以熟爲度取出以粟米粥和圓菜豆大每服拾圓至貳叁拾圓米飲下量兒大小與之無時

龍粉圓 治疳渴

草龍膽

定粉

烏梅肉

焙秤

黃連

各貳分

右爲細末煉蜜圓如麻子大米飲下壹貳拾圓無時

香銀圓 治吐

丁香

乾葛 各壹兩

半夏 湯浸拾次切焙

水銀 各半兩

右上叁味同爲細末將水銀與藥同研勻生薑汁圓如麻子大每服壹貳圓至伍柒圓煎金銀湯下無時

金華散 治乾濕瘡癬

黃丹 煨壹兩

輕粉 壹錢

黃蘗

黃連 各半兩

麝香 少許

右爲末先洗次乾摻之如乾癬瘡用臘月猪脂和
傅如無用麻油亦可加黃芩大黃

安蟲圓 治上中二焦虛或胃寒蟲動及痛又名苦

棟圓方

乾漆

叁分杵碎
炒烟盡

雄黃

巴豆霜

壹錢

右爲細末麪糊圓黍米大量兒大小與服取東行
石榴根煎湯下痛者煎苦棟根湯下或蕪荑湯下
伍柴圓至叁貳拾圓發時服

蕪荑散 治胃寒蟲痛

白蕪荑

去扇秤

乾漆

炒各等分

右爲細末每服壹字五分或壹錢米飲調下發時

服右方杜壬養生必用方同杜亦治胃寒蟲上

膽礬圓 治疳消癖進食止瀉和胃遣蟲

膽礬

真者壹錢 爲粗末

綠礬

真者貳兩

大棗

拾肆箇去核

好醋

壹升

已上四物同煎熬令棗爛和後藥

史君子

貳兩去殼

枳實

去穰炒 叁兩

黃連

訶黎勒

去核各壹兩 並爲粗末

巴豆

貳柒枚去皮破之

已上五物同炒令黑約三分乾入後藥

夜明砂

壹兩

蝦蟇灰

存性壹兩

苦楝根皮

末半兩

已上叁物再同炒候乾同前四物杵羅爲末卻同前膏和入臼中杵干下如未成更旋入熟棗肉亦

不可多恐服之難化太稠卽入溫水可圓卽圓如
菘豆大每服貳叁拾圓米飲溫水下不拘時

眞珠圓 取小兒虛中一切積聚驚涎宿食乳癖治

大小便澁滯療腹脹行滯氣

木香 眞者 白丁香 末

巴豆仁 拾肆箇水浸一宿研極膩輕粉各伍分留少許爲衣 白滑石 末貳分

右爲末研勻濕紙裏燒粟米飯圓麻子大壹歲壹

圓八九歲已上至十五歲服捌圓炮阜子煎湯放

冷下挾風熱難動者先服涼藥壹服乳癖者減圓

數隔日臨臥壹服

消堅圓 消乳癖及下交妳又治痰熱膈實取積

礪砂末

巴豆霜

輕粉 各壹錢

水銀砂子

兩早子大

細墨

少許

黃明膠

末伍錢

右同研勻入麪糊圓如麻子大倒流水下壹歲壹

圓食後

百部圓

治肺寒壅嗽微有痰

百部

叁兩炒

麻黃

去節

杏仁

肆拾箇去皮尖微炒煮叁伍沸

右為末煉蜜圓如芡實大熱水化下加松子仁肉

伍拾粒糖圓之含化大妙

紫草散

發斑疹

鉤藤鈎子

紫草茸

各等分

右為細末每服壹字或伍分壹錢温酒調下無時

秦艽散 治潮熱減食蒸瘦方

秦艽

去蘆頭切

甘草

炙各壹兩

乾薄荷

半兩勿焙

右爲麤末每服壹貳錢水壹中盞煎至捌分食後

溫服

地骨皮散

治虛熱潮作亦治傷寒壯熱及餘熱方

地骨皮

自採佳

知母

銀州柴胡

去蘆

甘草

炙

半夏

湯洗柒次切焙

人參

切去頂焙

赤茯苓

各等分

右爲細末每服貳錢薑伍片水壹盞煎至捌分食

後溫服量大小加減

人參生犀散

解小兒時氣寒壅欬痰逆喘滿心

松驚悸臟腑或秘或泄調胃進食又主一切風熱服尋常涼藥卽瀉而減食者

人參 切去蘆 叁錢

前胡 去蘆 柒錢 甘草 炙黃 貳錢

桔梗

杏仁 去皮尖略曝乾為末 秤各伍錢

右將前四味為末後入杏仁再粗羅羅過每服貳錢水壹盞煎至捌分去滓溫服食後

三黃圓 治諸熱

黃芩 半兩去心

大黃 去皮濕紙 裏煨

黃連 去鬚 各壹錢

右同為細末麩糊圓菘豆大或麻子大每服伍柒圓至拾伍圓貳拾圓食後米飲送下

治頤開不合鼻塞不通方

天南星大者微炮去皮爲細末淡醋調塗緋帛上貼頤上火炙手頻熨之

黃芪散 治虛熱盜汗

牡蠣

煨

黃芪

生地黃

各等分

右爲末煎服無時

虎杖散 治實熱盜汗

右用虎杖剉水煎服量多少與之無時

捻頭散 治小便不通方

延胡索

川苦楝

各等分

右同爲細末每服伍分或壹錢捻頭湯調下量多少與之如無捻頭湯卽湯中滴油數點食前

羊肝散 治瘡疹入眼成翳

右用蟬蛻末水煎羊子肝湯調服貳叁錢凡痘瘡
纔欲着痂卽用酥或面油不住潤之可揭卽揭去
若不潤及遲揭瘡硬卽隱成癍痕

蟬蛻散 治斑瘡入眼半年已內者壹月取效

蟬蛻 去土取末 壹兩

猪懸蹄甲 貳兩罐子內鹽泥固濟燒存性

右二味研入羚羊角細末壹分拌勻每服壹字百
日外兒伍分叁歲以上壹貳錢溫水或新水調下
日三四夜一二食後服一年以外難治

烏藥散 治乳母冷熱不和及心腹時痛或水瀉或

乳不好

天台烏藥 香附子 破用白者 高良薑

赤芍藥

大右各等分爲末每服壹錢水壹盞同煎陸分温服
如心腹疼痛入酒煎水瀉米飲調下無時

二氣散 治冷熱驚吐反胃一切吐利諸治不效者

硫黃 半兩研 水銀 貳錢半研不見星

右每服壹字至伍分生薑水調下或同炒結砂爲

圓

葶藶圓 治乳食衝肺咳嗽面赤痰喘

甜葶藶 隔紙炒 黑牽牛 炒 漢防己

杏仁 炒去皮尖各壹錢

右爲末入杏仁泥取蒸陳棗肉和搗爲圓如麻子
大每服伍圓至柒圓生薑湯送下

麻黃湯 治傷風發熱無汗咳嗽喘急

麻黃

去節叁錢水煮去沫漉出曬乾

肉桂

貳錢

甘草

炙壹錢

杏仁

柒箇去皮尖麩炒黃研膏

每服壹錢水煎服以汗出爲度自汗者不宜服

生犀磨汁 治瘡疹不快吐血衄血

生犀磨汁

大黃圓 治諸熱

大黃

黃芩

各壹兩

右爲末煉蜜圓如棗豆大每服伍圓至拾圓温蜜

水下量兒加減

史君子圓 治臟腑虛滑及疳瘦下利腹脇脹滿不

思乳食常服安蟲補胃消疳肥肌

厚朴

去粗皮薑汁塗炙

甘草 炙

訶子肉

半生半煨

青黛

各半兩如是兼驚及帶熱瀉入此味如只變疳不調不用此味 陳皮 去白壹分

史君子

去殼壹兩麩裏煨熟去麩不用

右爲末煉蜜圓如小雞豆大每服壹圓米飲化下

百日已上一歲已下服半圓乳汁化下

青金丹 疎風利痰

蘆薈

牙硝

青黛

各壹錢

史君子

叁枚

硼砂

輕粉

各伍分

蝎梢 拾肆箇

右末磨香墨拌圓麻子大每叁圓薄荷湯下

燒青圓 治乳癖

輕粉

粉霜

硃砂 各壹錢

白麪 貳錢

元精石 壹分

白丁香 壹字

定粉 壹錢

龍腦 拾字

右同一處研令極細滴水和為壹餅以文武火燒熟勿焦再為末研如粉麪滴水和圓如黃米每服柒圓漿水化下叁歲以下服伍圓量兒大小加減服之此古方也

敗毒散 治傷風瘟疫風濕頭目昏暗四肢作痛增

寒壯熱項強睛疼或惡寒咳嗽鼻塞聲重

柴胡

洗去蘆

前胡

川芎

枳殼

炒

羌活

獨活

茯苓

桔梗

炒

人參

各壹兩

甘草

半兩

右爲末每服貳錢生薑薄荷煎加地骨皮天麻或
咬咀加蟬蛻防風治驚熱可加芍藥乾葛黃芩無
汗加麻黃

平賦藥黃

知地賦藥黃衣風前煎然何川苔藥黃薄黃茶細

古歌末藥則取餘生薑薄黃煎則此皆史天利也

甘草

中藥

茯苓

部賦

射乾

美甜

藥

川芎

小兒藥證直訣下

寒熱惡寒之類真寒者重

附方

閻孝忠

余家幼稚多疾率用錢氏方訣取效如神因復研究諸法有得于心如驚疳等錢仲陽之未悉者今見於下并以仲陽傳附卷末

小兒急慢驚古書無之惟曰陰陽癇所謂急慢驚者後世名之耳正如赤白痢之類是也陽動而速故陽病曰急驚陰靜而緩故陰病曰慢驚此陰陽虛實寒熱之別治之不可悞也急驚由有熱熱卽生風又或因驚而發則目上目劄涎潮搐搦身體與口中氣皆熱及其發定或睡起卽了了如故此急驚證也當其搐勢漸減時與鎮心治熱藥壹貳服

直訣中麝香圓鎮心圓抱龍圓
辰砂圓及至寶丹紫雪之類
候驚勢已定須臾

以藥下其痰勢直訣中利驚圓軟金丹桃枝
圓之類或用大黃朴硝等藥利下

痰熱心神安甯即愈慢驚得於大病之餘吐瀉之

後或悞取轉致脾胃虛損風邪乘之凡小兒吐瀉

驚宜速治似搐而不甚搐此名癇似睡而精神慢四肢與

口中氣皆冷睡露睛或胃痛而啼哭如鷓聲此證

已危蓋脾胃虛損故也

凡小兒吐瀉當溫補之余每用理中圓以溫其中以

五苓散導其逆五苓散最治小兒吐連與數服兼用異功散

等溫藥調理之往往便愈若已虛損當速生其胃

氣宜與附子理中圓研金液丹末煎生薑米飲調

灌之惟多服乃效

服至貳叁兩無害

候胃氣已生手足漸

暖陰退陽回然猶痠痿卽減金液丹壹貳分增青
州白圓子壹貳分同研如上服以意詳之漸減金
液丹加白圓子兼用異功散羌活膏温白圓鉤藤
飲子之類調理至安依此治之仍頻與粥雖至危
者往往死中得生拾救捌玖

金液丹治小兒吐瀉虛極最妙沈存中良方論金液
丹云親見小兒吐利劇氣已絕服之復活者數人
真不妄也須多服方驗

驚風或洩瀉等諸病煩渴者皆津液內耗也不問陰
陽宜煎錢氏白朮散使滿意取足飲之彌多彌好

凡小兒急驚方搐不用驚擾此不足畏慢驚雖靜乃危病也急驚方搐但扶持不可擒捉蓋風氣方盛恐流入筋脉或致手足拘攣

治急慢驚世人多用壹藥有性溫性涼不可泛用宜審別之又治慢驚藥宜去龍腦縱須合用必以溫藥爲佐或少用之

凡小兒實熱疎轉後如無虛證不可妄溫補熱必隨生

治小兒驚風痰熱堅癖能不用水銀輕粉甚便如不得已用之僅去疾卽止蓋腸胃易傷亦損口齒

治小兒壯熱昏睡傷風風熱瘡疹傷食皆相似未能

辨認間服升麻葛根湯惺惺散小柴胡湯甚驗蓋此數藥通治之不致悞也惟傷食則大便酸臭不消化畏食或吐食宜以藥下之

小兒耳冷翳冷手足乍冷乍熱面赤時嗽嚏驚悸此瘡疹欲發也未能辨認間服升麻葛根湯消毒散已發未發皆宜服仍用胡荽酒黃蘗膏暑月煩躁食後與白虎湯玉露散熱盛與紫雪咽痛或生瘡與甘桔湯甘露飲子餘依錢氏說大人同

小兒多因愛惜過當往往參兩歲未與飲食致脾胃虛弱平生多病自半年以後宜煎陳米稀粥取粥面時時與之拾月以後漸與稠粥爛飯以助中氣

自然易養少病惟忌生冷油膩甜物等

小兒治法大槩與大人同惟劑料小耳如升麻葛根湯惺惺散等雖人皆知之倉卒亦難檢今並載于下錢氏已有方者今不復錄

升麻葛根湯治傷寒溫疫風熱壯熱頭痛肢體痛瘡疹已發未發並宜服之

乾葛

細剉

升麻

芍藥

甘草

剉炙各等分

右同為麤末每服肆錢水壹盞半煎至壹盞量大小與之溫服無時

惺惺散治傷寒時氣風熱痰壅咳嗽及氣不和

桔梗

細辛

去葉

人參

切去頂焙

甘草

剉

白朮

白茯苓

去皮

括蕪根

各壹兩

右同為細末每服貳錢水壹盞入薄荷伍葉煎至柒分溫服不拘時如要和氣入生薑伍片同煎壹法用防風壹分用川芎壹分消毒散治瘡疹未出或已出未能勻遍又治一切瘡涼膈去痰治咽痛

牛蒡子

貳兩炒

甘草

半兩剉炒

荆芥穗

壹分

右同為麤末每服叁錢水壹盞半煎至壹盞溫服不拘時

黃蘗膏治瘡疹已出用此塗面次用胡荽酒

黃蘗

去麤皮
壹兩

甘草

肆兩

新菜豆

壹兩半

右同為細末生油調從耳前至眼輪並厚塗之日
叁兩次如早用瘡不上面縱有亦少

胡荽酒

胡荽

細切肆兩以好酒貳盞煎壹兩沸
入胡荽再煎少時用物合定放冷

右每吸壹兩口微噴從頂至足勻遍勿噴頭面病
人左右常令有胡荽即能辟去汗氣瘡疹出快

瘡疹忌外人及穢觸之物雖不可受風冷然亦不
可擁遏常令衣服得中并虛涼處坐臥

治瘡疹出不快及倒撮四聖散

紫草茸

木通剉

甘草剉炒

枳殼

麩炒去穰

黃耆

切焙等分

右同爲麤末每服壹錢水壹中盞煎捌分温服無

時

又方藍根散

板藍根

壹兩

甘草

叁分剉炒

右同爲細末每服半錢或壹錢取雄雞冠血叁兩點同温酒少許食後同調下貳方無證勿服

治瘡疹倒撮黑陷

人牙

燒存性研入麝香少許

右每服叁錢温酒少許調下無時

又方

小豬兒尾尖取血叁伍點研入生龍腦少許

右新水調下食後

治伏熱在心昏瞶不省或悞服熱藥搐熱冒昧不知人及瘡疹倒撮黑陷

生梅花腦子研半字或壹字

右取新殺豬心壹箇取心中血同研作大圓用新汲水少許化下未省再服如瘡疹陷伏者温酒化下

甘露飲子治心胃熱咽痛口舌生瘡并瘡疹已發未發並可服又治熱氣上攻牙齦腫牙齒動搖

生乾地黃

焙秤

熟乾地黃

焙秤

天門冬

麥門冬

各去心
焙秤

枇杷葉

去毛

黃芩

去心

石斛

去苗

枳殼

麩炒
去穰

甘草

炒

山茵陳葉

右各等分爲麤末每服貳錢水壹盞煎捌分食後

溫服牙齒動搖牙齦腫熱含嗽潔并服

白虎湯解暑毒煩躁身熱痰盛頭痛口燥大渴

知母

壹兩半
焙乾秤

甘草

半兩
剉炒

石膏

肆兩

白粳米

捌錢

右同爲麤末每服叁錢水壹盞煎至捌分食後溫

冷隨意服氣虛人加人參少許同煎

瘡疹太盛宜服此調肝散令不入眼

生犀 剉取末壹分

龍膽草 半錢

黃耆 半兩切

大黃 去皮貳錢

石膏 兩半

桑白皮 自採焙乾

鉤藤鉤子

麻黃 去節各壹分

括蕞 去皮

甘草 炙各等分

右為麤末每服貳錢水壹盞煎半盞食後時時溫

服少許

治瘡疹入眼

馬勃 半兩

阜角子 拾肆箇

蛇皮 半兩

右入小罐子內鹽泥固濟燒存性研細溫酒調下

壹貳錢食後服

又方治瘡疹入眼成翳

括蕞根半兩

蛇皮貳錢

右同為細末用羊子肝壹箇批開入藥末貳錢麻
纏定米泔煮熟頻與食之未能食肝令乳母多食

又方

蟬殼末

右用水煎羊子肝湯調服貳叁錢

凡痘瘡才欲著痂即用酥或面油不住潤之可揭
即揭去若不潤及遲揭瘡痂硬即隱成癍痕

治口瘡

大天南星

去皮只取中心如
龍眼大為細末

右用醋調塗腳心

治癩耳

白礬

火飛壹錢

麝香

壹字

坯子烟脂

染烟脂也壹錢

右同研勻每用少許先用綿裹杖子搨淨摻之

治蓄熱在中身熱狂躁昏迷不食

豆豉

兩半

大梔子仁

柴箇搥破

右共用水參盞煎至貳盞看多少服之無時或吐

或不吐立效

治蟲咬心痛欲絕

五靈脂

未貳錢匕

白礬

火飛柒錢匕

右同研每服壹貳錢水壹盞煎伍分温服無時當

吐出蟲

治脾胃虚寒吐瀉等病及治冷痰

未齊州半夏

湯浸柒次切焙壹兩

陳粟米

叁分陳粳米亦得

右咬咀每服叁錢水壹大盞半生薑拾片同煎至

捌分食前温熱服

治外腎腫硬成疔

乾蚯蚓

為細末

右用唾調塗常避風冷濕地

小兒腹中極痛乾啼後偃名盤腸內吊鉤藤膏

沒藥

研

好乳香

水中坐乳鉢研細秤

木香

薑黃

各肆錢

鼈子仁

拾貳箇

右先將下參味同為細末次研入上貳味煉蜜和成劑收之每壹歲兒可服半阜子大餘以意加減煎鉤藤湯化下無時次用魏香散

魏香散

蓬莪朮

半兩

真阿魏

壹錢

右先用溫水化阿魏浸蓬莪朮壹晝夜焙乾為細末每服壹字或半錢煎紫蘇米飲空心調下

地黃散治心肝壅熱目赤腫痛生赤脉或白膜遍睛四邊散漫者猶易治若暴遮黑睛多致失明宜速用此方亦治瘡疹入眼

生乾地黃切焙

熟乾地黃切焙

當歸去蘆頭切焙

黃連去鬚

木通壹錢

元參半錢

甘草壹錢半

防風去蘆頭

羌活

生犀末

蟬殼去土

木賊

穀精草

白蒺藜去尖

沙苑蒺藜各壹錢

大黃去皮取實者

右為細末每服壹字或半錢量大小加減煎羊肝湯食後調下日叁夜壹忌口將息亦治大人

治熱痢下血

黃蘗去皮

赤芍藥肆錢

右同為細末飯和圓麻子大每服壹貳拾圓食前

米飲下大者加圓數

治心氣不足伍陸歲不能言菖蒲圓

石菖蒲

錢貳

丹參

錢貳

人參

切去頂
焙半兩

赤石脂

錢叁

天門冬

去心
焙秤

麥門冬

去心焙秤
各壹兩

右同為細末煉蜜圓菜豆大或麻子大溫水下伍
柴圓至壹貳拾圓不計時日叁肆服久服取效又
有病後腎虛不語者宜兼服錢氏地黃圓

雞頭圓治諸病後不語

雄雞頭

壹箇
炙

鳴蟬

叁箇
炙

大黃

壹兩取實處
濕紙裹煨熟

甘草

壹兩
剉炒

木通

半兩

當歸

去蘆頭切
焙叁分

黃耆

切
焙

川芎

遠志

去心

麥門冬去心焙人參切去頂焙半兩

右同為細末煉蜜圓小豆大平旦米飲下伍圓空

心日參肆服兒大者加之久服取效雞蟬貳物宜

求死者用之不可旋殺孫真人所謂殺生求生去

生更遠不可不知也

治腎虛或病後筋骨弱伍陸歲不能行宜補益肝腎

羚羊角圓

羚羊角

尖細而節密者是剉取末

生乾地黃

焙

虎脛骨

敲破塗酥炙黃

酸棗仁

去皮炒

白茯苓

各半兩

桂

去皮取有味處不見火

防風

去蘆頭切焙

當歸

同上

黃耆

切焙各壹分

右同為細末煉蜜和成劑每服壹卓子大兒大者
加之食前溫水化下日叁肆服取效

治驚風中風口眼喎斜語不正手足偏廢不舉全蝎

散

全蝎 去毒炒

僵蠶 直者炒

甘草

赤芍藥

桂枝 不見火

麻黃 去節

川芎

黃芩 去心各叁錢

天麻 陸錢

大天南星

湯浸柒次去皮臍切焙叁錢

右為麤末每服叁錢水壹盞半薑柒片煎柒分溫

服無時量大小與之日叁肆服忌羊肉

和中散和胃氣止吐瀉定煩渴治腹痛思食

人參切去頂焙

白茯苓

白朮

甘草剉炒

乾葛剉

黃耆切焙

白扁豆炒

藿香葉各等分

右為細末每服叁錢水壹盞乾棗貳箇去核薑伍片煎捌分食前溫服

紫蘇子散治欬逆上氣因乳哺無度內挾風冷傷於肺氣或呵氣未定與乳飲之乳與氣相逆氣不得下

紫蘇子

訶子去核秤

蘿蔔子

杏仁去皮尖麩炒

木香

人參切去鬚各參兩

青橘皮

甘草剉炒各壹兩半

右為細末每服壹錢水壹小盞入生薑叁片煎至

伍分去滓不計時候溫服量大小加減

赤石脂散治痢後軀氣下推出肛門不入

真赤石脂揀去土

伏龍肝各等分

右為細末每用半錢傅腸頭上頻用

藥墨散治斷臍後為水濕所傷或襁褓濕氣傷於臍中或解脫風冷所乘故令小兒四肢不和臍腫多啼不能乳哺宜速療之

黃藥炒

釜下墨

亂髮燒各等分

右為細末每用少許傅之

至寶丹治諸痛急驚心熱卒中客忪不得眠睡煩躁風涎搐搦及傷寒狂語伏熱嘔吐並宜服之

生烏犀屑

生玳瑁屑

琥珀研

朱砂

細研水飛

雄黃

已上各壹兩研細水飛

金箔

伍拾片壹半為衣

銀箔

伍拾片研

龍腦

壹分研

麝香

壹分研

牛黃

半兩研

安悉香

壹兩半為末以無灰酒飛過濾淨去砂石約取壹兩慢火熬成膏

右生犀玳瑁搗羅為細末研入餘藥合勻將安悉香膏以重湯煮凝成和搜為劑如乾即入少熟蜜盛不津器中旋圓如桐子大貳歲兒服兩圓人參湯化下大小以意加減又治大人卒中不語中惡氣絕中諸物毒中熱暗風產後血運死胎不下並用童子小便壹合生薑自然汁叁伍滴同溫過化

下伍圓立效

紫雲治驚癇百病煩熱涎厥及傷寒胃熱發斑一切熱毒喉痺腫痛又治瘡疹毒氣上攻咽喉水漿不下

黃金拾兩

寒水石

磁石

滑石

石膏

各肆兩捌錢並搗碎

已上用水伍升煮至肆升去滓入下項藥

元參

壹兩陸錢搗碎

木香

搗碎

羚羊角屑

犀角屑

沈香

各半兩搗碎

升麻

壹兩陸錢搗碎

丁香

壹錢搗碎

甘草

捌錢炙剉

已上捌味入前藥汁中再煮取壹升伍合去

滓入下項藥

硝石 參兩壹錢 芒硝亦得

朴硝 壹斤 精者

已上貳味入前汁中微火上煎柳木篦攪不住手候有柒合投在木盆中半日欲凝入下

項藥

朱砂 參錢 飛研

麝香當門子 壹錢 壹字研

已上貳味入前藥中攪勻寒之兩日

右件成紫色霜雪每服壹字至半錢冷水調下大小以意加減咽喉危急病捻少許乾嚥立效又治大人腳氣毒遍內外煩熱不解口中生瘡狂易叫走瘴疫毒厲卒死温瘧五尸五疰大能解諸藥毒每服壹錢至貳錢冷水調下並食後服

理中圓治吐利不渴米穀不化手足厥冷

去蘆

炮

白朮

剉

乾薑

炮

甘草

炙剉各壹兩

右為末煉蜜和圓雞黃大每服壹圓水壹大盞化開煎及柒分連滓放溫服小兒分為叁服大小以意加減食前

五苓散治霍亂吐瀉躁渴飲水小便不利

澤瀉

貳兩半剉

木豬苓

去皮剉壹兩半

官桂

去皮壹兩

白茯苓

壹兩半剉

白朮

壹兩半剉

右為細末每服壹錢溫湯調下渴躁新水調服大

小以意加減不以時候

附子理中圓治脾胃寒弱風冷相乘心痛霍亂吐利
轉筋

人參

去蘆

白朮

剉

乾薑

炮

甘草

炙剉

黑附子

炮去皮臍
各壹兩

右爲細末煉蜜和壹兩作拾圓每服壹圓水壹中
盞化開煎及柒分稍熱服食前小兒分作叁兩服
大小以意加減

金液丹治吐利日久脾胃虛損手足厥逆精神昏塞
多睡露睛口鼻氣涼欲成慢驚風者又治大人陽虛
陰盛身冷脉微自汗吐利小便不禁

船上硫黃

拾兩先飛煉去砂石秤研爲細末用
砂合子盛令捌分滿水和赤石脂封

縫鹽泥固濟
坐合子在上又以泥固濟
日叁夜足加頂火
壹煨成候冷取藥

右以柳木搥乳鉢內研為細末每服貳錢生薑米
飲調下大小以意加減多服取效大人藥末壹兩
蒸餅壹兩水浸去水脉和圓桐子大礮乾每服伍
拾圓至百圓米飲下並空心連併服

又方 范文正宅

硫黃 不以多少淡黃通明者為上飛煉去砂石
研為細末用有蓋砂罐子壹箇取水中田
字草或益母草搗淤土成泥更入紙筋同搗固
濟罐子貴不破礮乾盛硫黃末在內可不滿兩
指於露地深畫十字放罐子在中心使底下通
透四面用炭約肆伍斤勻火簇不蓋罐子頂時
時揭覷候化為汁速去四面火用濕土埋壹宿
次日取出於北蔭下不見日氣處撒壹坑子約

壹貳尺將罐子去蓋倒埋壹宿次日取出和罐入湯內煮伍拾沸漉出取藥

右以柳木搥乳鉢內研如粉麩相似小兒因吐瀉
之後變成慢驚風者每服壹貳錢生薑米飲調下
併服取效大人陰證傷寒脉微欲絕以水浸無鹽
蒸餅和圓桐子大噉乾每服伍拾圓或百圓米飲
下並空心服

青州白圓子治小兒驚風大人諸風

半夏 柒兩 生

天南星 叁兩 生

白附子 貳兩 生

川烏頭 半兩 生 去皮臍

右搗羅為細末以生絹袋盛用井花水擺未出者
更以手揉令出如有滓更研再入絹袋擺盡為度

放磁盆中日晷夜露至曉棄水別用井花水攪又
嗽至來日早再換新水攪如此春伍日夏叁日秋
柒日冬拾日壹法肆時只浸壹宿去水嗽乾後如玉片研細
以糯米粉煎粥清圓菘豆大每服叁伍圓薄荷湯
下大人每服貳拾圓生薑湯下癱瘓風温酒下並
不以時候服

小柴胡湯治傷寒温熱病身熱惡風頭痛項強四肢
煩疼往來寒熱嘔噦痰實中暑瘧病並宜服

柴胡

去蘆
捌錢

半夏

湯洗切焙
貳錢半

黃芩

去
心

人參

去
蘆

甘草

炙剉各
叁錢

右為龕末每叁錢水壹盞半生薑伍片棗壹枚擘

破同煎及捌分濾去滓放溫分作叁兩服大小以
意加減並不以時候日叁夜貳

會城新館不以却刻日登交海

州道又開合部去學效此合部全備想大小

錢仲陽傳

河間劉跂撰

錢乙字仲陽上世錢塘人與吳越王有屬俶納土曾祖贊隨以北因家于鄆父顥善鍼醫然嗜酒喜游一旦匿姓名東游海上不復返乙時三歲母前亡父同產姑嫁醫呂氏哀其孤收養爲子稍長讀書從呂君問醫呂將歿乃告以家世乙號泣請往跡父凡五六返乃得所在又積數歲乃迎以歸是時乙年三十餘鄉人驚嘆感慨爲泣下多賦詩詠其事後七年父以壽終喪葬如禮其事呂君猶事父呂君歿無嗣爲之收葬行服嫁其孤女歲時祭享皆與親等乙始以顥

願方著山東元豐中長公主女有疾召使視之有功
奏授翰林醫學賜緋明年皇子儀國公病瘳癡國醫
未能治長公主朝因言錢乙起草野有異能立召入
進黃土湯而愈神宗皇帝召見褒諭且問黃土所以
愈疾狀乙對曰以土勝水木得其平則風自止且諸
醫所治垂愈小臣適當其愈天子悅其對擢太醫丞
賜紫衣金魚自是戚里貴室逮士庶之家願致之無
虛日其論醫諸老宿莫能持難俄以病免哲宗皇帝
復召宿直禁中久之復辭疾賜告遂不復起乙本有
羸疾性簡易嗜酒疾屢攻自以意治之輒愈最後得
病備甚乃嘆曰此所謂周痺也周痺入臟者死吾其

已夫已而曰吾能移之使病在素因自製藥日夜飲
之人莫見其方居亡何左手足攣不能用乃喜曰可
矣又使所親登東山視菟絲所生秉火燭其下火滅
處剷之果得茯苓其大如斗因以法噉之閱月而盡
繇此雖偏廢而氣骨堅悍如無疾者退居里舍杜門
不冠履坐卧一榻上時時閱史書雜說客至酌酒劇
談意欲之適則使二僕夫輿之出沒間巷人或邀致
之不肯往也病者日造門或扶攜襁負纍纍滿前近
自鄰井遠或百數十里皆授之藥致謝而去初長公
主女病泄痢將殆乙方醉曰當發疹而愈駙馬都尉
以爲不然怒責之不對而退明日疹果出尉喜以詩

謝之廣親宗室子病診之曰此可無藥而愈顧其幼
曰此兒旦夕暴病驚人後三日過午無恙其家恚曰
幼何疾醫貪利動人乃如此明日果發癩甚急復召
乙治之三日愈問何以無疾而知曰火急直視心與
肝俱受邪過午者心與肝所用時當更也宗室王子
病嘔泄醫以藥溫之加喘乙曰病本中熱脾且傷柰
何以剛劑燥之將不得前後洩與石膏湯王與醫皆
不信謝罷乙曰毋庸復召我後二日果來召適有故
不時往王疑且怒使人十數輩趣之至曰固石膏湯
證也竟如言而效有士病嗽面青而光其氣哽哽乙
曰肝乘肺此逆候若秋得之可治今春不可治其家

所食強之與藥明日曰吾藥再瀉肝而不少卻三補
肺而益虛又加脣白法當三日死然安穀者過期不
安穀者不及期今尙能粥居五日而絕有娠婦得疾
醫言胎且墮乙曰娠者五臟傳養率六旬乃更能候
其月偏補之何必墮已而子母皆得全又乳婦因大
恐而病病雖愈目張不得瞑人不能曉以問乙乙曰
煑郁李酒飲之使醉則愈所以然者目系內連肝膽
恐則氣結膽衡不下惟郁李去結隨酒入膽結去膽
下目則能瞑矣如言而效一日過所善翁聞兒唬愕
曰何等兒聲翁曰吾家學生二男子乙曰謹視之過
百日乃可保翁不憚居月餘皆斃乙爲方博達不名

一師所治種種皆通非但小兒醫也于書無不闕他人
靳靳守古獨度越縱舍卒與法合尤邃本草多識
物理辨正闕誤人或得異藥或持疑事問之必爲言
出生本末物色名貌退而考之皆中末年癩痺浸劇
其嗜酒喜寒食皆不肯禁自診知不可爲召親戚訣
別易衣待盡享年八十二終于家所著書有傷寒論
指微五卷嬰孺論百篇一子早世二孫全現爲醫

劉跂曰乙非獨其醫可稱也其篤行似儒其奇節似
俠術盛行而身隱約又類夫有道者數謂余言曩學
六元五運夜宿東平王冢巔觀氣象至逾月不寐今
老且死事成有不在書者肯以三十日暇從我當相

授余錢謝弗能是後遂不復言嗚呼斯人也如欲復
得之難哉沒後余聞其所治驗尤眾東州人人能言
之掇其章章者著之篇異時史家序方術之士其將
有攷焉